

Ariana Lake:
“Abo ta kies kico bo ta
laga afecta bo”

Pagina 5

Diabierna 14 di APRIL 2023 www.bondia.com Email: noticia@bondia.com Tel: 582-7800 Fax: 582-7044 1,75 Florin

Doorlichting rapport:

Mester actualisa ley pa mehora Educacion

PARLAMENTO DI ARUBA

Pagina 2

- **Alex Croes di Giannis
CBD Products a lanta
caso contra aduana**

Pagina 3

- **Aruba “a yega na bon
palabracionnan”
cu minister di
Rechtsbescherming
Hulandes**

Pagina 4

- **Compania Acciona
Energia lo ta na
Aruba pa prome
assessment y quick
scan**

Pagina 6

Paisnan ta bay reuni riba cooperacion
na frontera entre St. Maarten y St. Martin



Pagina 9



Operation Cookie Monster ta derumba
mercado global di hacker



Pagina 16

SETAR PREPAID

CUMPRA
AFL. 15 + HAYA
AFL. 5

EXTRA!

SOLAMENTE DEN PAY.AW



*Valido pa un tempo limita

SETAR



Be part of the
**National Health Survey:
STEPS 2023**

from home to home starting march until june

Step up for your health!

Pa mehora sistema di educacion, mester actualisa e leyman

E doorlichting rapport ta remarca e importancia di proporciona legislacion actualisa y adecua. E grupo di trabao encarga cu e investigacion a referi cu na momento di observa e Ordenansanan Nacional, a papia hopi di un legislacion cu ta desactualisa y mayoria di ley ta bay back na decada 1980 y no a wordo modifica recientemente.

E Ordenansanan Nacional (landsverordeningen) ta e fuente di derecho, pero nan no ta e unico forma cu tin di norma huridico. Ademas di esaki, ta existi decreto nacional cu ta contene medida general y reglamento ministerial cu ta contene norma generalmente vinculante.

Ta existi tambe tratado internacional of decision di organizacion internacional, manera entre otro Union Europeo, cu por contene tambe regulacionnan generalmente vinculante.

E legislacion cu ta trata educacion ta estableci actualmente den e siguiente Ordenansa Nacional cu e Decreto Nacional asocia: Ordenansa Nacional di Educacion Infantil; Ordenansa Nacional di Educacion Primario; Ordenansa Nacional di Educacion Secundario (esaki ta inclui EPB, EPI, VAVO, IPA); Ordenansa Nacional di Universidad di Aruba; Ordenansa Nacional Educacion Obligatorio; Decreto Nacional di consulta di



personal di docente organisa; Decreto Nacional tocante retribucion di personal di docente.

E grupo di trabao a destaca especificamente tres punto, apart di e problema general di legislacion. E prome punto ta tocante e legislacion di educacion superior. Aruba tin dos institucion di educacion superior cu ta subsidia pa gobierno, Instituto Pedagogico Arubano (IPA) y Universidad di Aruba (UA).

IPA ta un instituto publico di formacion ariba nivel di HBO. IPA ta capacita e studentenan pa nan bira docente di educacion primario y docentenan di educacion secundario. E ta ofrece tambe e curso Pedagogisch Didactisch Getuigschrift (PDG), un curso di mita tempo pa studentenan cu kier bira docente of capacitadornan.

Universidad di Aruba ta un institucion di educacion superior cu ta un di e poco institucionnan cu ta ofrece titulonnan universitario. UA ta ofrece principalmente pro-

gramanan di formacion profesional superior den diferente facultad.

Den termino di legislacion, Universidad di Aruba actualmente ta cay bao e Ordenansa Nacional di Universidad di Aruba. IPA, di otro banda, ta cay bao e Ordenansa Nacional di educacion secundario. E dos institucion di educacion superior subsidia pa gobierno ta goberna cu norma legal diferente.

E grupo di trabao ta destaca cu e situacion aki ta obviamente indeseabel y mester tin un regimen legal pa educacion superior.

E segundo punto cu e grupo di trabao a trece pa dilanti ta referi na e formacion profesional. Actualmente no ta existi un legislacion specifico pa loka ta trata formacion profesional. Na Aruba tin un institucion di educacion vocacional secundario, Colegio EPI, e institucion aki tambe ta cay bao e Ordenansa Nacional di educacion secundario.

E di tres punto ta relaciona cu e posicion legal di Inspectie Onderwijs. Na Aruba actualmente ta existi solamente un proyecto di ley di supervision di educacion. No ta existi un Ordenansa Nacional definitivo ariba cual por actua. E grupo di trabao ta enfatisa cu e legislacion tocante supervision di educacion ta un condicion importante pa Inspectie Onderwijs por realiza su tarea di control, cu un base legal y garantianan asocia.

Un recomendacion importante cu e grupo di trabao ta trece pa dilanti ta un evaluacion di e legislacion educativo vigente y adapta esaki na e rekisitonan di e tempo actual. Den cualkier caso mester presta bon atencion na e garantianan suficiente y e independencia di tur e partidonan involucra, esaki ta inclui e directivanan, e supervisornan interno, supervisornan externo y e minister.

Banda di esey nan ta remarca ta importante pa fortalece e marco legal di educacion superior. E grupo di trabao ta propone e desaroyo di un ley adapta na educacion superior den cual ta posiciona e dos actornan principal di educacion superior na Aruba, IPA y Universidad di Aruba.

Di e manera aki ta establece un base pa un vision di educacion superior. A largo plaso esaki tambe por habri caminda pa un desaroyo di un hungado poderoso den educacion superior a traves di un integracion real mas grandi di Universidad di Aruba y IPA. Esaki a wordo purba caba antes, pero particularmente e diferente posicionnan legal y tambe e diferencianan relaciona cu e posicion legal a impedi un fusion exitoso na e momento ey.

E grupo di trabao ta subraya cu ta importante tambe pa evalua e legislacion actual pa educacion vocacional secundario y evalua si e legis-

lacion pa loka ta trata educacion vocacional ta wordo refleha suficientemente den e Ordenansa Nacional di educacion secundario of si ta necesario desaroya un legislacion separa pa esaki.

Por ultimo, nan ta destaca cu ta importante pa Inspectie Onderwijs ricibi un mandato claramente formula den forma di un marco di supervision y un posicion legalmente hancra. Parti di esaki ta e norma- y condicionnan legal cla ariba e base cu e inspeccion por tuma luga y ora cu ta necesario, e sancion. Den e contexto ey ta importante pa e Ley di Supervision Educativo wordo formalisa desde proximo aña pa e por drenta na vigor.

Na 2022 Aruba a nombra un lider di proyecto pa organisa y realiza un actualisacion di e legislacion educativo. Den e proyecto aki, e atencion ta enfoca ariba ahusta e marco di e legislacion educativo, e Ordenansanan Nacional. Di e manera aki por establece un base sostenibel pa legislacion educativo.

Lo establece varios grupo central pa e proyecto, cada un lo traha cu nan propio Ordenansa Nacional. Pa cada tipo di educacion, diferente persona ta participa den e grupo central corespondiente, incluyendo oficialnan di politica di DEA, huristanan di DEA, huristanan di DWJZ y un inspector di Inspectie Onderwijs.

WOW Aruba ta organisa recaudacion di fondo pa yuda Fundacion Guia Mi y Centro Famia di Criansa Arubano

E organizacion WOW (Women Empowering Women) Aruba a anuncia ayera durante un conferencia di prensa cu nan ta organisando nan prome evento pa recauda fondo pa asina por duna back na comunidad di Aruba. E evento aki ta bay e "Walk the Talk" 5K Fun Walk and Run cu ta tuma luga dia 23 di april binidero.

Presidente actual di WOW Aruba, Rocio Burgos, a splica durante e conferencia di prensa cu WOW Aruba ta un organizacion di hende muhe cu ta enfoca ariba e crecemento di cada un di nan miembronan den aspecto di bida profesional y tambe personal. WOW Aruba tin actualmente 40 miembro cu tur luna ta reuni pa siña cosnan nobo y desaroya den e aspecto profesional y personal.

Un di WOW Aruba su pilarnan principal ta pa duna back na comunidad y instancianan caricativo di Aruba. E meta di e "Walk the Talk" 5K Fun Walk and Run ta pa cada participante cana pa e motibo cu nan ta desea of pa local nan kier para p'e, sea ta pa nan mes, pa un famia, cana pa salud of cana pa sostene un organizacion.

Burgos a indica cu a traves di un encuesta cu nan a realiza entre nan miembronan, nan a scoge dos instancia na cual nan ta bay haci un donacion cu e fondonan cu nan recauda di e evento aki. E organizacionnan cu a scoge ta Fundacion Guia Mi y Centro Famia di Criansa Arubano.

El a remarca tambe cu WOW tin un historia caba di haci donacion na diferente instancia den comunidad. El a recorda cu durante pandemia

e organizacion a recauda mas di 11 mil florin cu cual a haci donacion na diferente instancia cu ta yuda famia y hende muhe den comunidad y aña pasa nan a haci donacion na e Heart Center Leadership Foundation.

"Aunke nos no ta un service club, nos sa cu nos tin hopi recurso y nos tin manera pa por yuda otro. Tur aña nos ta busca manera y e aña aki no ta diferente," el a indica.

E caminata "Walk the Talk" ta tuma luga diadomingo dia 23 di april pa 7or di mainta. Registracion ta cuminsa 6:30 di mainta. E contribucion ta 25 florin pa adulto, pa mucha di 5 te cu 12 aña e contribucion ta 15 florin y tur mucha bou di 5 aña ta participa completamente gratis. E inscripcion ta inclui fruta y awa.



E ruta di e caminata ta cuminsa na Eagle Beach Boardwalk, ta yega te na Embassy Suites y despues ta termina back na Eagle Beach Boardwalk. Pa registra por yena e formulario cu ta obtenibel riba e paginan di social media di e organizacion.

Por ultimo, Burgos a extende invitacion na henter pueblo di Aruba pa participa den e evento aki y asina contribui na un bunita causa.

Alex Croes di Giannis CBD Products a lanta caso contra aduana

Ayer mainta durante un conferencia di prensa, Alex Croes conhuntamente cu abogado Bryan Coffie a bin dilanti pa informa comunidad cu nan a lanta un caso contra Aduana.

Croes a splica cu esaki no ta prome biaha cu ta hiba caso na corte; tambe nan a haci e anteriormente pa loke ta trata inspeccion di remedi, Ministerio Publico cu a acus'e penalmente di bende remedi como suplemento y awor cu Aduana tocante importacion. Esey ta e motibo di pakico nan a dicidi di bin dilanti pa splica e situacion cu nan ta enfrentando na e momentonan aki.

Croes a sigura cu dia 1 di maart a haci exactamente 22 aña cu el a bay corte pa prome biaha, y awo despues di 12 aña nan ta den mesun situacion un biaha mas: den un caso sumario cu a entrega contra Aduana. Pa dia 4 di mei nan mester presenta na corte pa 8:30 di mainta.

Croes a sigura cu semper e ta keda para riba e punto cu ta existi nan pa tin un inspeccion di remedi y cu awor e ta yama IVA. "Si mi no ta importando remedi empaketa, kico mi ta bay na un inspeccion di remedi? Te awe nan no tin autoridad den ley pa dicidi



kico ta of no ta un remedi, e ta competencia di minister di Salud Publico en cuestion, Dangui Oduber. Mientras tanto cu e no a apunta nada como remedi, mi no tin nada di haci den e departamento ey tampoco," el a señala. Esey ta e punto cu e ta sigui para riba dje te cu awe. El a conta cu su prome casonan tabata di comision di LAR, cu ora e ta haya e conseho cu nan a duna den e caso ey na e minister concerni, e ta keda un conseho p'e y si e no tuma e decision, e ora ey tin un caso den corte di LAR.

Si ta bay den LAR, el a splica cu hues tin cu declara e persona como no competente, debi cu a cana e caminda robes. Na momento cu el a gana e ultimo caso di LAR, cu tabata apelacion e minister na e momento ey, na 2006 a

dicidi cu e ta haci e remedi pa ley. E tempo ey Croes a keh'e di abuso di poder, loke a origina un denuncia penal contra Croes riba e suplementonan, pa motibo cu a haci nan remedi pa ley "y e ora ey mi ta bendiendo remedi den mi negoshi como suplemento," el a conta.

Igualmente e ta sigura cu el a lucha pa su derechonan cu tres prome minister diferente riba e tema aki y cu e ta sigui lucha cu cuatro si ta posibel tambe.

Na e momento ey el a bay contra Ministerio Publico ya cu e minister di Salud Publico den turno a apunta e suplementonan como remedi den un Ministeriële Regeling (MR) y minister di Husticia mester a firma, de lo contrario, e no ta bira ley.

A traha un ley di excepcion na un "derder", cu den caso aki ta Croes su persona – un eerste ta un dokter y un tweede ta un boticario, derder ta Croes cu no ta ni boticario ni dokter, pero si un persona cu tin experiencia den materia aki – pa e haya un excepcion. Tempo cu a bay confisca den e tempo ey e tabatin un excepcion.

Despues dos minister a traha un MR nobo na maart di 2011 manera el a conta, esaki tabata mara na un tratado bilateral entre Reino cu Merca. Violacion di MR aki ta un violacion di un tratado bilateral. Croes ta sigui enfatisa riba e punto cu tin cinco componente apunta como remedi e tempo ey, Ephedra, Melatonin, DHEA y otro dos componente mas.

E prome confiscacion a bay na cuatro producto cu ta bisa cu pa cumpli cu ley, Croes mester presenta un certificado di benta publico di MR cu ta papia di e componentenan of e producto mes. Den e prome confiscacion a bay riba 4 producto cu tin otro componente.

Den e certificado publico cu ta mara na MR ta indica, segun Croes a menciona, cu ta e funcionario di Aduana esun cu ta pidi esey. Aworaki nan ta bay corte pa "algo cu a mi

nunca tin version di remedi p'e, pasobra e productonan cu nan tin warda, ami nunca a bay den version di remedi. Mi ta keda para riba cu mi no ta bay bao ningun circunstancia y si mi tin mester di certificado publico mes ta pa esnan cu m'a caba di menciona, pa nada otro."

El a sigura cu tin cuatro cargamento di dje 'warda' y esaki ta algo cu niun hende por tolera di niun empleado publico, esta nenga di duna servicio na un comerciante cu tin duna servicio na clientenan. "40% di mi clientenan ta hendenan desespera pa nan enfermedad cu ta cancer, bin busca ayudo cerca a mi."

Di su parti, abogado Bryan Coffie a sigura cu nan a manda cartanan na e ministernan concerni y na e director di Aduana tambe pa purba di yega na un solucion sin cu ta caba den corte, "pero den caso aki e departamento of whatever cu mester tuma e decision, a keda para riba dje cu meneer Croes mester busca un stempel na IVA. Y esey ta algo cu meneer Croes a laga sa cu e no ta dispuesto pa haci, pasobra ley ta existi pa bo bay inspector di remedi ora ta trata di un remedi cu ta empaketa, pero akinan tin hasta vitamina, un stap di su nieta y otro productonan cu ta pega aworaki," el a finalisa.

AHATA: Na Maart RevPAR a aumenta cu 6%

Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y CEO di AHATA, Tisa LaSorte, ta raporta cu den luna di Maart e grado di ocupacion ta menos cu 2019, pero e balor averahe di cada camber bendi a aumenta y consecuentemente e RevPAR ta mas halto.

Maart 2023:

Ocupacion: E grado di ocupacion tabata 84%; cual ta 7% menos cu grado di ocupacion na Maart 2019.

ADR: E balor averahe di cada camber bendi tabata \$382.19; un aumento di 14% compara cu Maart 2019.

RevPAR: E entrada averahe pa tur camber disponibel tabata \$320.75 cual ta un crecemento di 6% compara cu Maart 2019. RevPAR ta e

indicador principal di e resultado financiero prome cu desconta gastonan operacional y impuesto.


Proyeccion:

Proyeccion actual pa ocupacion averahe di hotel pa April ta 78%, Mei ta 74%, y Juni ta 74%.

Timeshare:

Ocupacion na propiedadnan Timeshare tabata 90% na Maart.

Hotel miembro di AHATA: Amsterdam Manor Beach Resort, Barceló Aruba, Boardwalk Boutique Hotel, Brickell Bay Beach Club, Bucuti & Tara Beach Resort, Courtyard by Marriott, Divi & Tamarijn All-Inclusive, Eagle Aruba Resort, Embassy Suites by Hilton Aruba, Holiday Inn Resort Aruba, Hyatt Regency Aruba, Hyatt Place Aruba Airport, Man-




chebo Beach Resort, Marriott Aruba & Stellaris Casino, Paradera Park, Radisson Blu Aruba, Rehoboth Peaceland Boutique Hotel, Renaissance Wind Creek Aruba Resort, The Ritz-Carlton Aruba, RIU Palace Aruba, RIU Palace Antillas y Talk of the Town Hotel.

Timeshare miembro di AHATA: Divi Aruba Phoenix,

Divi Dutch Village, Divi Village Golf, La Cabana, Marriott Ocean Club, Marriott Surf Club, The Mill Resort.

Vacation rental miembro di AHATA: Aramis Real Estate, Aruba's Life Vacation Residences, Casiola Aruba, Cobalt Blue Fusion (Blue, Azure), Ford Property Management, Turibana Plaza, Santa Lucia Landhuis.



Prome minister y Minister di Husticia “a yega na bon palabracionnan” cu minister di Rechtsbescherming Hulandes



Prome Minister, Evelyn Wever-Croes y Minister di Husticia, Rocco Tjon y su delegacion na Hulanda a reuni cu Minister di ‘Rechtsbescherming’ (proteccion di derecho) di Hulanda, señor Franc Weerwind.

Prome Minister a expresa den un comunicado di pren-

sa cu e reunion a bay den un bon atmosfera na unda cu a entrega y ricibi hopi informacion. Aruba y Hulanda tin un bon relacion di trabao, un relacion di hopi respet. Por nota e deseo di parti di Minister Weerwind pa yuda Aruba.

Den e reunion a trata topiconan di husticia en general



y e sosten cu Aruba tin mester riba e tereno di seguridad. Door di e pandemia y e situacion financiero cu esaki a causa, husticia a sufri hopi y awo ta e momento cu Aruba mester recupera y fortifica e

cadena di husticia. Esaki ta e meta di e mision di Minister Tjon na Hulanda. “Mi ta contento cu mi por acompaña Minister Rocco Tjon den e reunion aki na unda cu a yega na bon pal-

abracionnan y mi ta hopi satisfecho di mira e cooperacion cu tin y e deseo pa sigui traha hunto pa haci Aruba mas sigur”, Prome Minister a expresa.

Den 2022, tourism receipts a contribui cu 4.4 biyon florin den nos economia

Tourism Receipts 2022
Tur kwartaal Banco Central ta observa e Tourism Receipts (Tourism Credits), cu ta muestra e cantidad di placa cu turismo ta trece pa nos economia. A.T.A. a pone como meta pa yega recuperacion di 95% pa e indicador aki den 2022. Recientemente Banco Central a publica e cifranan di e ultimo kwartaal di 2022. Esaki ta ilustra un recuperacion di 118% den Tourism Receipts na 2022 compara cu 2019.

Mester enfatisa e importancia di e indicador aki pa loke ta trata recuperacion di nos turismo, mirando cu e ta un di e indicadornan cu ta ilustra no e cantidad di bishitante cu a bin Aruba, pero e cantidad di placa cu a wordo genera a traves di nan bishita. Tourism Receipts ta e entrada directo genera pa medio di turismo y ta exclui e entrada indirecto cu Aruba su economia ta genera danki na e industria turistico.

Maart 2023 den comparacion cu 2019 y 2022

Den luna di maart 2023 nos destinacion a ricibi un total di 109,295 bishitante “stay-

over”. Si compara luna di maart 2023 cu maart 2019 - cu tabata e ultimo aña normal di turismo, por mira cu Aruba a recupera 102% di local a wordo ricibi na maart 2019, cu ta indica un crecimiento di 2%.

Si compara maart 2023 cu maart 2022 por wak un recuperacion di 114% cu ta indica un crecimiento di 14%.

Mercadonan y categorianan di acomodacion
Den maart 2023 84.8% di e total di e bishitantenan “stay-over” pa Aruba a bishita for di Norte America, 5.7% a bishita for di Europa, 7.2% a bishita for di Latino America y 2.3% tawata procedente di otro partinan di mundo.

Mirando e categorianan di acomodacion, den maart 2023 36.6% di bishitante a keda den hotelnan High-rise, 8.9% a keda den hotelnan Low-rise, 25.2% a keda den Timeshare y 29.3% a keda den otro tipo di acomodacion, conoci tambe como vacation rentals.

Vacation Rentals

Ta importante pa menciona cu A.T.A. tin acceso na un plataforma unda por wak e

cantidad di cas, apartamento y villas cu ta wordo uza como vacation rentals como tambe e prijs averahe pa anochi, e ocupacion y un calculacion di e entrada cu esakinan ta genera.

Si compara maart 2023 cu maart 2022 por wak cu e prijs averahe di e acomodacionnan aki a crece cu 12%, for di un prijs averahe di \$237 pa anochi na maart 2022 pa un prijs averahe di \$266 na maart 2023. Si compara maart 2023 cu maart 2019, por wak cu e prijs averahe di e acomodacionnan aki a crece cu 45%, for di un prijs averahe di \$184 pa anochi na maart 2019 pa un prijs averahe di \$266 na maart 2023.

Si compara maart 2023 cu maart 2022 por wak cu e ocupacion averahe di e acomodacionnan aki a disminui cu 1 punto di porcentahe, for di un averahe di 63.7% na maart 2022 pa un averahe di 62.7% na maart 2023. Si compara maart 2023 cu maart 2019 por wak cu e ocupacion averahe di e acomodacionnan aki a crece cu 19.1 punto di porcentahe, for di un averahe di 43.6% na maart 2019 pa un



Vacation Rentals					
	2019	2020	2021	2022	2023
ADR	\$184.00	\$200.00	\$220.00	\$237.00	\$266.00
Occupancy	43.6%	35.6%	45.6%	63.7%	62.7%
Revenue	\$7,427,712	\$5,312,008	\$8,819,847	\$15,317,752	\$18,982,857

averahe di 62.7% na maart 2023.

Den caso di entrada, si compara maart 2023 cu maart 2022 por wak cu e categoria

a genera un crecimiento den entrada di 24%. Si compara maart 2023 cu maart 2019 por wak cu e categoria a genera un crecimiento den entrada di 156%.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Ariana Lake: “Abo ta kies kico bo ta laga afecta bo”



Ariana Lake ta un hoben di 16 aña di edad cu desde un edad hopi jong ta activo den baile. E ta describi su mes como un hoben cu gusta lesa, baila y cushina. Den un entrevista cu Bon Dia Aruba, Ariana ta conta di su infancia, su experiencia como bailarina y con su experiencia den e mundo di baile a yud’e desaroya den diferente aspecto di su bida.

Ariana ta conta c e tin hopi memoria feliz, hopi cos cu e tabata gusta. Un di nan cu e tabata gusta hopi di tempo e tabata chikito ta cu e tabata sali tur dia pasobra tur dia e tabatin un actividad.

El a sigui conta cu otro cos cu e tabata stima di su infancia ta con cerca di otro su famia tabata pasobra semper ora cu tabatin un celebracion, semper tur hende tabata yega na su cas y tur hende tabata come y hunga.

Actualmente Ariana ta den examen klas HAVO na Colegio Arubano. Despues di gradua for di Colegio Arubano e ta bay haci AFY (Academic Foundation Year) na Universidad di Aruba pasobra e no sa ainda den ki direccion e kier sigui studia.



Cu AFY, el a splica, e tin e oportunidad pa purba diferente carera y asina por wak kico e gusta y kico e lo kier sigui studia. Tambe e ta tuma e oportunidad pa mehora y hisa e nivel di su conocimiento den Hulandes pa ora cu e tin cu bay Hulanda

“Mi ta un perfeccionista y mi kier tin e fundacion ey bon pa ora mi bay Hulanda mi no mester lucha cu e cosnan ey. Esey ta mi siguiente stap,” el a bisa.

Ariana a cuminsa baila cu 6 aña. Su prome experiencia den baile tabata un tayer di ballet y baile folklórico Venezolano. Durante dos aña el a baila den e grupo di e consulado di Venezuela y despues di esey el a drenta e grupo di baile Kids & Youth in Action na unda ya caba e tin ocho aña ta baila.

E ta conta cu un di su mutacionnan pa cuminsa baila tabata pa pasa bon y conoce mas hende y ora el a drenta Kids & Youth in Action el a drenta pa siña mas diferente tipo di baile.

Ariana ta un hoben cu tin un figura mas yen, y pa algun persona su tipo di curpa no ta apto pa baile. Pa Ariana esaki un tempo tabatin un impacto den su bida pa motibo cu e tabata sinti exclui den algun aspecto.

“Exclui den sentido cu door cu mi ta yen mi no por a haya cierto paña. Por ehempel si e otro muchanan tabata bisti saya cortico y blusa sin manga, ami a tabata haya saya largo of blusa cu manga pasobra ami no tabata muestra bon den e paña manera e otro bailarinnan. Of door di mi peso mi no por a presenta na un show of na un evento pasobra mi no tabatin e figura



cu nan ta desea,” el a remarca.

Esaki, el a agrega, ta cos nan cu tabata traha hopi riba dje y tabata baha su confiansa full. “E ta algo cu mi no ta desea pa ningun hende.”

Pero di otro banda e experiencia ey a yud’e mehora den otro aspecto. El a sigui conta cu door cu e tabata sinti exclui, e mester a traha mas duro y train mas duro pa e por a demostra cu e tambe por, sin importa su peso, cu e tambe por baila mesun bon of miho cu e otro muchanan.

“E ta algo cu a haci mi cu awo, añanan despues, mi ta un di e bailarinnan cu sa tur e bailenan, mi sa kico ta trece actitud, mi sa kico ta anima publico, mi sa kico ta train duro pasobra si mi no gara algo mi ta keda train na mi casta ora cu mi gar’e. Esey tambe ta algo cu a yuda mi realisa, personalmente, cu abo ta kies kico bo ta laga afecta bo. Abo ta dicidi,” el a expresa.

Pa Ariana baile tabata un vehiculo di enseñanza cu a yud’e desaroya otro aspectonan di si bida. Baile a yud’e ta mas responsable y disciplina, el a siñ’e con pa ta un lider y su prioridadnan.

Den e aspecto di siña ta un lider, el a splica, cu e la yud’e pasobra e ta haya e oportunidad pa siña coreografia na otro muchanan cu ta mas chikito cune y asina e ta haya e responsabilidad y e mester sa tambe con pa papia cu e muchanan, e tin cu sa con pa demostra y ta un ehempel pa otro nan.

Esey, el a enfatisa, a refleha back den su estudionan. Por ehempel na momento di haci proyectonan den grupo, hopi biaha su compañeronan ta wak e como un lider y esaki el a siña danki na su experiencia den baile.

Den e aspecto di disciplina tambe el a siña hopi. El a siña cu e mester ta consistente, bay tur training, bay tur show y train duro te ora e gara e bailenan.

Pa loka ta e aspecto di prioridad, el a splica cu baile a yud’e determina unda su prioridadnan ta. “Si mi tin un examen y mi no a caba di leer, mi tin cu wak cu si mi scol ta mi prioridad, e ora mi sa cu pa e dia ey mi no por bay train of show pasobra mi tin cu studia pasobra mi scol ta mi prioridad number uno. E ora mi sa cu mi mester prepara miho pa e siguiente training.”

Por ultimo, Ariana su mensahe pa hubentud ta: “Loka ta pa bo ta bay bin pa bo, por ta bo no a haya loka bo tabata kier, pero esey ta pasobra e no tabata pa bo, tin algo eyfo cu ta miho pa bo. Abo ta bay wak kico bo ta laga afecta bo. Por ta nan a haci of bisa algo cu bo no a gusta. Abo ta dicidi si bo ta bay sinta bira tristo of si bo ta dicidi di laga loka nan a bisa of haci ta irrelevante pa bo. Abo ta e persona cu ta duna balor na loka otro hende a haci of bisa y abo tambe ta dicidi kico bo ta bay haci cu esey. Lag’e ta un motivacion pa demostra bo mes y otro hendenan cu abo si por.”



Minister Glenbert Croes

Compania Acciona Energia lo ta na Aruba pa haci su prome assessment y quick scan

Minister Glenbert Croes a elabora durante su rueda di prensa riba tur e plan nan cu e tin pa e sector energetico pa Aruba cu lo bira e di dos pilar economico pa nos Pais.

E mandatario a expresa e determinacion cu Gobierno di Aruba tin pa haci nos soñonan grandi bira realidad. Y locual cu semper tabata instrumental pa Minister Glenbert Croes tabata pa haya companianan di renombre y trayectoria indiscutibel, pa compaña nos den haci e visionnan energetico pa Aruba realidad. Y pa loke ta trata e Aruba Hydrogen Valley finalmente e mandatario por anuncia na nos comunidad cu Aruba Hydrogen Valley ta bay wordo desaroya pa cual a identifica Acciona Energia di Spaña como e prome compania cu cual Aruba lo cuminsa e desaroyo aki.

Full e zona di refineria ta bay bira e industria di energia. E zona aki lo consisti di mas di varios compania cu lo ta invirtiendo den diferente componentenan di loke ta bay bira e industria energetico di futuro.

Locual cu e mandatario a comparti cu henter nos comunidad y principalmente cu e comunidad di San Nicolas ta cu e huma preto di pasado cu e refineria tabata expulsa, lo no bin bek.

Esaki lo wordo reemplasa cu e huma blanco di energia limpi, sin contaminacion, sin emision, cu na mes momento lo representa desaroyo, progreso y hopi mas prosperidad cu ta contribui na e calidad di bida di tur ciudadano di San Nicolas y tur ciudadano di nos pais Aruba.

Compania Acciona Ener-

gia lo ta na Aruba pa haci su prome assessment y quick scan

Riba e pregunta di un miembro di prensa di cuanto tempo e proyecto di Aruba Hydrogen Valley lo dura pa por bira realidad, e mandatario a continua splicando cu Utilities N.V. cu ta trekker di e proyecto aki di parti di Aruba como tambe Sr. Patrick Cnubben di Hulanda, ta basta avansa caba.

Despues di semana santa e compania Acciona Energia lo ta na Aruba pa haci su prome assessment y quick scan di loke ta e vision di realisacion di Aruba Hydrogen Valley.

Hidrogeno ta e energia di futuro pa cual e decisionnan mester wordo tuma awo. E Aruba Hydrogen Valley no solamente mester provee e necesidad y consumo local pero tambe pa por drenta e



mercado di exportacion di hidrogeno pa region. E futuro ta awo!

Cu gran conviccion e mandatario a clausura cu e mensahe aki su rueda di prensa.

Prome Minister Evelyn Wever-Croes:

A explora areanan di cooperacion cu Gemeente Venray durante reunion

Durante su bishita na Hulanda, Prome Minister Evelyn Wever-Croes hunto cu Minister Plenipotenciario sr. Ady Thijsen a reuni cu henter e colegio di Gemeente Venray riba diferente posibilidad di cooperacion. Prome Minister a expresa cu e reunion tabata uno positivo, na unda por a nota e interes grandi cu henter e colegio tin pa traha cu Aruba.

Tambe durante e reunion, a logra identifica algun area di cooperacion, manera intercambio economico, cultural, y enseñansa. Pa cu ense-

ñansa, ya caba tin varios institutonnan cu ta den combersacion cu stichting EPB na Aruba, cu ta un area cu ta hopi importante pa Gobierno por brinda e hobennan mas oportunidad. E siguiente paso ta pa firma un "letter of intent" caminda ta concretisa e palabracionnan pa Aruba sigui traha hunto cu Venray.

Prome Minister ta gradici sra. Amira Luydens-Dabian, cu como Arubiano, biba na Hulanda, y como miembro di Geemente Raad Venray, a cuminsa cu e iniciativa aki. Señora Luydens y su famia tin mas di 40 aña na Hulanda,



pero mirando cu su curason semper a keda na Aruba, a traha duro pa brinda Aruba mas oportunidad.

"Mi ta gradici Minister Plenipotenciario Ady Thijsen y su ekipo cu a

traha hopi duro pa logra yega na e acuerdonan di cooperacion cu Aruba riba tereno di comercio, estudio, y cultura. E acuerdonan aki sigur ta di gran beneficio pa pais Aruba", Prome Minister a duna di conoce.





Cuminsando cu 4 florin, bo por gana e suma grandi aki

Afl. 1.000.000,-

Obtenibel na cualkier rebendedo di Lotto.

sorteo ta diasabra 15 di april



HUNGA AWO



Ya ta cinco aña cu HOH a cuminsa cu intervencion cardiovascular

Cinco aña pasa—pa ta exacto, 9 di april 2018—a cuminsa cu intervencion cardiovascular na Horacio Oduber Hospital (HOH). Por mira bek na un proyecto cu a resulta sumamente exitoso pa comunidad di Aruba y alabes a yuda baha gastonan medico durante e proceso.

“E motibo principal pa cuminsa cu intervencion cardiovascular na Aruba na prome instante tabata pa trata pashentnan cu ta haya un ataca di curason,” asina cardiologo dr. Casper Laclé ta conta. Anteriormente tabata manda nan den exterior cu Air Ambulance y despues di 10 pa 12 ora nan ta yega na e centro caminda basicamente hopi biaha ta laat. Awendia ta brinda e servicio local, pues for di e momento cu e pashent haya un ataca y yega departamento di emergencia ta logra pa habri e ader den menos di 90 minuut.

Horacio Oduber Hospital a inaugura na April 2018 un compleho ultra moderno



na unda a introduci e servicio completamente nobo pa Aruba cu ta intervencion cardiovascular y servicionan adicional cu aparatonan di e tecnologia super moderno. Intervencion cardiovascular ta encera, tratamiento di e arterianan coronario por medio di angioplastia na unda ta haci uzo di balonnan y ta implanta stent pa mantene e arteriacoronaria cu ta afecta habri. Dos interventicardioloog, hunto

cu un team di laborant/verpleegkundigenan specialisa den interventicardiologie, ta brinda e tratamento medico aki den un compleho moderno na HOH. Nos ta hopi orguyoso cu den e cinco añanan aki a trata alrededor di tres mil pashent di cual dos mil pashent a ricibi e tratamiento di angioplastia, dr. Robert Dennert, cardiologo na HOH a menciona. Alabes casi 300 pashent cu a

sufri di un atake di curason agudo a wordo trata dentro di 90 minuut despues cu nan a presenta na e departamento di emergencia na HOH. Di e forma aki ta cumpli cu standardnan internacional cual ta pa scapa mas hopi musculo di curason cu ta posibel.

E plannan cu tin pa futuro ta pa mehora e relacion den Caribe. For di 2020, HOH ta atende tambe pashentnan

di Boneiro cu haya ataca di curason. Mirando e exito di e programa di intervencion cardiovascular tin plan pa sigui cu otro tipo di intervencion cu ainda no ta haci aki na Aruba manera e asina yama kleimplantatie.

Di e forma aki por nota con, sistematicamente, HOH ta sigui inverti den mas ekipo, prepara nos propio profesionalnan, amplia servicio, brinda mas cuido na pashent y baha e costo pa AZV. E ultimo tempo por nota cuanto adelanto tin, debi na trabounan extenso y pisa cu a tuma luga e ultimo añanan. Hospital tin como meta pa bira un centro di cuido ehempel den e region. E intencion ta tambe pa traha di cerca cu nos rumannan den Caribe Hulandes, pa esun sostiene unda e otro mester y pa nos pashentnan haya cuido den region mes, en bes di manda pashent mas leu den otro pais, cu ta papia otro idioma y cu otro custumber. E caminda ta largo y no facil, pero hunto cu nos mesun profesionalnan, nos ta avansando!

Estudio ta muestra cu hende muhe mester warda tres luna despues di ‘de pil’ prome cu purba pa embarazo

(NLTimes)—Hende muhe mester warda al menos tres luna despues cu a stop di tuma pildo contraceptivo prome cu nan purba sali na estado, segun investigadonan di Radboudumc na Nijmegen. Nan estudio ta sugeri cu embarasonan cu ta sosode dentro di e prome tres luna despues cu a stop cu pildo contraceptivo tin tiki mas chens pa experiencia complicacionnan, Trouw ta reporta.

E investigadonan a analisa 7.000 embarazo. Di esey, un total di 1.050 a sosode dentro di tres luna despues cu e mama a stop di tuma pildo contraceptivo. E 1.050 embarasonan ey a experiencia complicacionnan mas fre-

cuenta, manera preeclampsia, segun investigado y ginecologo Marc Spaanderman.

Na Hulanda, casi 3% di hende muhe ta experiencia preeclampsia. E estudio a descubri cu e riesgo ta casi 30 pa 40% mas halto pa esnan cu a cay na estado dentro di tres luna despues cu stop cu pildo contraceptivo. “Na final, bo ta papiando tocante un chens di casi 4% pa hende muhe cu ta cay na estado dentro di tres luna,” Spaanderman a conta Trouw. Esey ta un riesgo limita ainda, pero preeclampsia por ta hopi peligroso, specialmente den e prome fasenan di embarazo.

Nacemento prome cu termo ta un poco mas comun cu peso abou den baby recién

naci—pero esey ta aplica pa hende muhe cu a tuma e pildo prome cu a sali na estado. E motibo pakico esaki ta sosode no ta claro, pero cientificonan ta sospecha cu e ta relata cu e hormoonnan

di e pildo cu ta tuma tempo pa sali for di curpa completamente.

“Esaki ta numbernan chikito,” Spaanderman a subraya. “Pero ta suficiente pa pensa

riba esaki. Si bo kier sali na estado, ta miho bo warda un tiki; al menos tres luna despues cu bo stop di tuma pildo contraceptivo.” Usa otro tipo di contraceptivo tanten, manera condom.



Rekisitonan halto ta haci dificil pa Venezolanonan por bishita e islanan ABC

(CuraçaoChronicle) - E ta dificil pa turistanan di Venezuela por bishita e islanan ABC via avion. E rekisitonan pa bishita e islanan aki ta sumamente halto, segun e organisacion di turismo CHATA (Curaçao Hospitality and Tourism Association).

E isla ta demanda cu e Venezolano mester trece suficiente dollar cash, di cual e prijs di compra ta sumamente halto na Venezuela. Pa causa di e restriccionnan den e pais, e placa aki por keda obteni solamente di manera ilegal, cual ta posee un riesgo adicional pa e turista. Pa motibo aki ta bira practicamente imposibel pa yega na e cantidad necesario cash pa por drenta e isla.

Pa dia, un persona ta rekeri trece 150 dollar, cual ta mas o menos 35,5533,500 bolivar. Ora cu ta trata di bishita di famia, mester tin 100 dollar



pa cada dia. Ademá, Venezolanonan di mas di 11 aña di edad cu kier bishita Aruba, Boneiro y Curaçao mester aplica pa ricibi un visa. E visa necesario ta costa 80 dollar, e ekivalente di 19,4951,200 bolivar y nan por paga solamente na e embahada cu un tarheta di credito.

Turistanan mester por comproba cu nan tin un trabao pa medio di un carta di trabao.

Esaki mester dicta unda e ta traha, cuanto nan ta gana y si nan tin permiso di sali for di e pais. Ademá, e pasaheronan ta obliga di cumpra un seguro di biahe pa henter e periodo cu nan lo permanece riba e isla.

“Pa motibo aki ta premira cu lo tin tiki pasahero den e vuelonan comercial di Benezuela na e islanan pa temponan aki,” CHATA a declara.

Division den parlamento tocante bishita na Panama



(CuraçaoChronicle) - **Miembronan di Parlamento y tambe personanan fuera di Parlamento tin tempo tratando con util e biahenan di negoshi ta na Panama pa un tempo caba.**

E siman aki e ta tempo pa un biaha mas biaha Panama pa e reunionnan di e parlamento di Latino America y Caribe, tambe conoci como Parlatino. E motibo principal pa

e criticanan tocante e bishita ta cu nan no ta contribui na e desaroyonan na Corsou.

Parlamentario di KEM Michelangelo ‘Lo’ Martinez pa motibo aki a dicidi di no bay riba e biahenan oficial aki mas. Ana-Maria Pauletta di e fraccion PAR a indica cu e comentario negativo den añanan recién a cuminsa pa motibo cu no tin fondo pa manda delegacion Panama y a cuminsa tuma fondo for

di otro presupuesto pa haci esaki.

Segun Pauletta, a crea e presupuesto e aña aki di manera diferente y pa motibo aki tin mas fondo disponibel. E topiconan cu lo trata na e reunionnan aki e siman aki ta ‘Igualdad di Genero’, ‘Hubentud’, ‘Salud Publico,’ y ‘Mina y energia’. Pauletta a cita e topiconan aki como e motibo dicon ta importante pa Corsou participa den e consultanan aki.

Minister Aleman ta usa Hulanda como ehempel di con pa no legalisa cannabis



(NLTimes) - “Nos a tuma e modelo Hulandes como un ehempel di con pa no haci esaki,” Minister di salud Aleman Karl Lauterbach (SPD) a conta NOS poco despues cu Alemania a anuncia su plan pa legalisa Cannabis.

Pronto lo permiti Alemannan planta y cumpra cannabis den cantidadnan chikito pa nan propio consumo, sea na cas of den asociacionnan cu ta crea pa e proposito aki. Alemania tambe lo lansa un experimento pa cultivacion comercial di cannabis mas durante e aña.

Lauterbach sa con e politica di tolerancia Hulandes a resulta, el a comenta. Hulanda ta permiti e benta y consumo di cannabis pero e produccion y suministro di esaki ta pasa via e mercado ilicito, el a señala. “Un combinacion di desbentahanan.

Lauterbach a bisa cu su pais no kier nada manera coffeeeshop, cu bendedornan interesa den bende e cantidad mas halto di cannabis cu nan por. Tambe e kier control mas estricto tocante con potente y puro e cannabis y hashish por ta compara cu Hulanda.

E gobierno Aleman su meta ta di legalisa e mercado ilicito, unda no tin control tocante e calidad di e producto ni con safe e producto ta. “E consumo di cannabis ta un realidad social. Nos no mester cera nos wowo na esaki,” Minister di Cuminda y Agricultura Cem Ozdemir a bisa ora di anuncia e plannan. “Nunca no a logra e meta di mantene hende leu di cannabis.”

Cultivacion di cannabis y humamento lo ta suheta na varios regla na Alemania. E pais a crea club di cannabis pa maneha esaki. E asociacionnan aki no por tin mas di 500 miembro, tur kendenan mester tin mas di 18 aña di edad y nan no por bende cannabis pa genera ganashi. Miembronan por consumi mas di 25 gram di pa dia y no mas di 50 gram pa luna. Cultivadornan na cas por tin un maximo di 3 planta femenino cu ta duna flor. Solamente te na e di dos fase lo experimenta cu cultivacion comercial cu un periodo di prueba di 5 aña y autorisacion limita.

AWA

MINI

MEGA

MEGA PLUS

Awo cu 2 florin mas, bo por gana e

*** Afl. 390.000,-**

*** Afl. 290.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO



Mensahe a yuda polis intercepta 170.000kg di cocaina y desmantela 60 laboratorio di droga

(NLTimes)—Polis Hulandes tin mas cu 1 bion mensahe entre criminalnan den nan posesion. E mensahenan aki a yuda nan desmantela 60 laboratorio di droga na Hulanda, colecta 170.000kg di cocaina y confisca 1.000 arma pisa, AD a reporta a bisa di figuranan for di Unit Nacional di polis.

Polis Hulandes a intercepta data di shete investigacionnan den crypto-communicacion den e ultimo añanan. Na 2016, nan a gara e servernan di e compania di Nijmegen Ennetcom na Canada. Despues di esey a sigui cu PGP safe den e mesun aña, cual ta plataforma pa crypto comunicacion. Ademas nan a gara IronChat na 2018, Encrochat na 2020, Sky Ecc y Anom na 2021, y Exclu e aña aki.

E desciframento y analisis di mas cu 1 bion mensahe

encripta, cu cual criminalnan a pensa nan por a comunicado sin ningun sospecho, ya a resulta den al menos 10.000 detencion rond mundo. Y e cantidad ta sigui subi, segun Oscar Dros a conta AD, ken ta hefe di polis na Unit Nacional.

Dros a describi e mensahenan intercepta como un mina di oro den e batalla contra crimen scondi. “E prueba t’ey caba. Nos djis mester busca e caso,” el a bisa. “Esaki ta echt un reto nobo den nos profesion.”

E investigacionnan exitoso den crypto-communicacion a inspira un manera nobo di traha den e cuerpo policial, segun Dros. “Nos ta haciendo tur informacion disponible accesibel pa polis.” Pa medio di pone tur e data—di cual hopi ta scondi ainda den varios sistema di cuerpo policial—den un luga, analistan-



an policial y investigadonan por consulta esaki facilmente.

“Cu tur e informacion ey den un luga, nos ta cla. Esaki ta ofrece posibilidad grandi,” Dros a conta tocante e warehouse di data cu polis ta trahando riba dje. “Nos ta

bibando den un tempo unda data ta disponibel ki ora y con hopi cu ta, y esey ta afecta nos perspectiva riba trabou policial. E importancia di data ta solamente aumentando, mescos cu e maneho cuidadoso y etico pa esaki.” “Nos ta trahando a base

di data: nos ta combina nos expertonan operacional cu tecnologia y data. Desde awo pa dilanti, esey ta bay forma e base di nos trabou policial, por ehempel pa combati crimen organisa y terrorismo,” e hefe di Unit Nacional a conta.

Paisnan ta bay reuni riba cooperacion a traves di frontera entre St. Maarten y St. Martin

(AP) – Gobiernonan di Francia, Hulanda, St. Maarten y St. Martin ta bay reuni na Den Haag dia 15 di juni e aña aki pa discuti asuntonan comun di cooperacion a traves di frontera riba e isla.

E reunion a keda anuncia den un declaracion conhunto firma pa Hulanda

y Francia na Den Haag riba diaranson durante e bishita di presidente Frances, Emmanuel Macron na Hulanda. Ambos pais a firma un pacto pa innovacion y crecimiento sostenible.

E declaracion conhunto tambe ta dedica un paragraf na Caribe, titula “Cooperacion den region Caribense.”



Ademas di e reunion na nivel top na Den Haag dia 15 di juni, e paragraf a menciona e intencion di firma un tratado di frontera dentro di poco. “E Republica Frances y Reino Hulandes ta comparti un frontera riba e isla di St. Maarten/St. Martin. 375 aña despues di e Tratado di Concordia, nos paisnan tin meta pa dentro di poco firma un tratado nobo pa e ubicacion exacto di e frontera riba e isla,”

a declara den e declaracion conhunto.

E dos pais ademas a compromete na reforsa colaboracion bilateral y regional pa adresa retonan urgente di seguridad den region Caribense. A acorda cu ta bay completa e ratificacion di e Acuerdo di Status di Forsa (SOFA) riba cooperacion Caribense na 2023.

Gobierno Colombiano a reuni cu ex-paramilitarnan pa avansa cu e paz total

(EFE) - Oficina di Halto Comisionado pa Paz (OACP) a reuni cu e comandantenan di Autodefensa Unida di Colombia (AUC) antiguo pa avansa den caminda di paz total, pa loke nan a acorda mesanan tecnico cu ta parti di “diagnostico comun” di estado di desmobilisacion paramilitar.

Den encuentro aki a participa “e mayoria” di e firmantenan di e carta publico cu a ser manda na presidente Colombiano Gustavo Petro dia 29 di maart ultimo, den cual nan a afirma nan boluntad di aporta



pa paz total balorando “positivamente” e yamada di e mandatario na un encuentro cu e disidentenan maximo di e estructura paramilitar desmobilisa.

AUC a stop nan operacion na 2006 despues di un proceso di negociacion cu Gobierno di e presidente Colombiano na e momento ey, Alvaro Uribe.

For di comienso di Gobierno di Petro, a efectua varios combersacion individual cu ex-comandantenan di AUC cu a permiti conoce “nan experiencia y algun conclusion cu nan proceso di transicion pa bida civil a laga atras,” segun OACP a bisa den un comunicado.

E dialogonan aki ta permiti, na su bes, pone di manifesto e “foutnan” di e proceso di paz cu a permiti nan desmobilisacion y cu “segun algun opiniononan, a motiva algun estructura pa arma un biaha mas, asina como e surgimento y expansion di gruponan nobo den territorio nacional,”

e informacion a agrega. Entre e topiconan cu a trata, tabatin di inseguridad huridico cu nan ta percibi, estado di entrega di bienes y reparacion di e victimanan, e morto violento di mas di 4.000 ex-integrante di AUC, nan reincorporacion y siguridad fisico. Como parti di e acuerdo, e ex-paramilitarnan a acepta pa cumpli cu Ley di Husticia y Paz cu tabata contempla castigonan maximo di 8 aña den prizon na cambio di colaboracion pa aclaria crimennan, pero algun di e lidernan a perde e beneficiann ey.

CIDH ta reclama Bukele pa pone fin na estado di excepcion na El Salvador

(La Nacion) - Comision Interamericano di Derechonan Humano (CIDH) a pidi El Salvador diaranon ultimo pa reestablece e derechonan y garantiannan constitucional cu tin un aña suspendi pa e renobacion consecutivo di e regimen di excepcion, cual a wordo extendi ayera pa di 13 biaha.

Estado di excepcion a wordo declara inicialmente dia 27 di maart di 2022 y a wordo extendi luna pa luna pa mas di un aña, como strategia di gobierno di presidente Nayib Bukele pa aplica un politica di man duro contra inseguridad. CIDH a pidi na Estado Sal-

vadoreño pa respeta e derechonan humano den adopcion di medidanan pa preveni y combati criminalidad, y a adverti cu e Convencion Americano ta autorisa e suspension di cierto derechonan y libertad di forma excepcional “den medida y tempo strictamente limita den exigencianan di e situacion.”

Aunke articulo 27.1 di CADH ta permiti pa Estadonan por rekeri na e medida aki “den caso di guerra, peligro publico of di otro emergencia cu por menasa e independencia of siguridad di Estado,” e gobernantenan no ta gosa di poder absoluto pa establece medidanan restrictivo, manera ta e caso di Bukele,



cu ta mantene un apoyo mayoritario na Asamblea y tin e poder hudicial na su favor. El Salvador ta mantene sus-

pendi e derecho di e personanan cu ta keda deteni pa nan wordo informa di nan derechonan y e motibonan di nan

detencion di manera inmediato y comprendibel, asina como e derecho pa no wordo obliga di declara y di conta cu un asistencia di un abogado defensor den diligencia di administracion di husticia y procesonan hudicial, segun CIDH.

E situacion di e pais centro Americano a wordo cuestiona y critica pa organisacionnan di derechonan humano cu ta señala abusonnan.

Segun cifranan oficial, mas di 67.000 presunto gang of colaborado a wordo captura den tempo aki, di e cual mas di 90% tin detencion provisional decreta pa un hues, e mayoria pa delito di gruponan ilicito.

Guatemala a bisa ayo na dos migrante cu a fayece den candela na Ciudad Juarez

(EFE) - Diaranon ultimo, miles di persona na sur di Guatemala a bisa ayo na dos migrante cu a fayece dia 27 di maart ultimo den un candela na Ciudad Juarez. Nan tabata bao custodia di estado di Mexico ora nan tabata purba di yega Merca pa apoya economicamente nan famianan.

E entierro di e dos migrante di nomber Francisco Gaspar Rojché y Miguel Rojché a tuma luga na Chicacao, cual ta un municipio di departamento di Suchitepéquez, ubica na 150 kilometer di Ciudad di Guatemala.

Ambos a muri hunto cu otro 17 compatriota dia 27 di



maart ultimo den un candela mientras nan tabata deteni den un stacion migratorio na Ciudad Juarez, na nort di Mexico, na unda 40 persona a perde nan bida.

E repatriacion di 17 di 19

Guatemalteco fayece den tragedia aki a tuma luga diamars den oranan di anochi. Otro dos curpa a yega na e pais centro Americano den proximo dianan, mientras 9 sobreviviente a keda hos-

pitalisa y nan ta recuperando positivamente.

Di acuerdo cu autoridadnan Mexicano, e candela den un stacion migratorio di Ciudad Juarez a cuminsa debi cu algun migrantenan a cende na

candela corchonnann como medida di protesta.

Den e tragedia a resulta herido of fayecido, cu a base di datonan di e mesun fuente Mexicano cu no a duna mas detayenan, tabata un Colombiano, un Ecuatoriano, 12 Salvadoreño, 28 Guatemalteco, 13 Hondureño y 13 Venezolano.

Gaspar Rojché a sali dia 19 di maart ultimo for di Chicacao cu e intencion di yega Merca, den compania di su omo, Miguel Rojché. E obhetivo di ambos tabata pa busca un miho condicion di bida na Merca, pero ora nan a wordo deteni na Mexico, nan a muri den candela y nan curpanan a wordo repatria diamars den oranan di anochi.

Venezuela:

85% di victima stranhero di trata na Peru ta Venezolano, segun ONG

(ElNacional) - E 85% di stranheronan cu ta victima di trata di persona na Peru ta Venezolano, mientras cu den e ultimo 8 añanan a produci un aumento di 500% den e cifra di stranheronan cu a sufri e delito aki di manera directo. Esaki segun e cifranan recoge diaranson ultimo pa e ONG CHS Alternativo.

“Mientras cu na 2014 a registra solamente 48 victima stranhero di trata di persona, na 2022 e cifra a yega 271 caso,” e ONG a denuncia den un comunicado.

E 18.9% di e 1.430 victi-

manan registra na 2022 pa e Fiscalía pa e delito di trata di persona, es decir 271 persona, ta stranhero.

E cifranan aki ta demostra e aumento di 500% di victima migrante pa e delito aki den e ultimo 8 añanan, CHS Alternativo a destaca.

E poblacion Venezolano a pasa di no wordo afecta pa e problematica aki na 2014 pa representa e 85% di e victimanan stranhero den 2022, segun datonan di e Ministerio Publico.

Pa pais, y segun e ultimo cifranan oficial, 6.27% di e victimanan tabata di naciona-



lidad Colombiano, 4.43% di origen Ecuatoriano y 2.21% tabata di nacionalidad Boliviano.

Ademas, CHS a subraya cu den e caso di 20.9% di victimanan no ta conoci nan nacionalidad y ta presumi cu

nan ta stranhero.

“E situacion precario economico, e falta di conocimiento di e leyman di e pais cu ta ricibi nan, e ausencia di rednan di apoyo, e criminalizacion pa personanan stranhero y hopi biaha su condi-

cion di migrante irregular ta converti nan den victimanan perfecto pa e rednan di explotacion,” e director ehecutivo di CHS Alternativo, Ricardo Valdes, a splica.

El a agrega cu e Venezolano nan ta core mas riesgo di sufri e consecucionnan di e trata y explotacion sexual door di stereotiponan manera ‘hipersexualizacion.’

Pa enfrente e problema, Valdes a solicita e Estado pa garantisa e derechonan di tur persona na Peru y a defende e importancia di e campanan di conscientizacion pa combati e stereotiponan cu ta rondona e trata di persona.

Mayornan Cubano ta pidi visa humanitario pa trata nan yiu cu enfermedad desconoci

(CiberCuba) - Mayornan Cubano a recurri na rednan social pa implora pa un visa humanitario cu lo permiti nan trata e enfermedad cu nan yiu ta sufri, cual ta desconoci ainda.

Emmanuel di casi cuater año di edad a pasa e mayoria di su bida cortico den diferente hospital pa purba determina e enfermedad cu e ta sufri mientras su salud ta sigui deteriora cu sufrimento cu ta emporar su estado, segun su tata a expone ariba Facebook. “Mi ta acerca e medio aki pa



pidi pa yuda mi salba mi yiu su bida. Mi mester destaca cu nos, e mayornan, ta aki na Merca y cu e tin un reclamacion poni desde augustus di

2021 y tambe e tin luga den e programa parole humanitario un luna pasa caba,” e homber a bisa ariba e red social. Segun el a splica, actualmente

e mucha tin hopi perdida di sanger a traves di su orina locual ta provoca cu su hemoglobina ta baha y e no ta retene hero den su sanger tampoco.

“A pesar di e tempo cu a pasa y tur su sufrimento, ainda nos no tin un diagnostica precies y si esey no ta suficiente aworaki, e ta presentando y enfermedad di riñon nobo, di cual nos no sa e causa. E tabata ingresa durante un luna e ultimo biaha y anteriormente e tabata un año y varios luna, es decir casi full su bida den

un hospital sometí na diferente prueba,” e homber a bisa.

Den su pedido di ayudo, e tata a splica cu apenas tres año e mucha no por sinta su so, ni cana, ni gatia y desde cu el a nace, el a presenta problemanan di stoma cu a haci cu no por digeri alimento.

Den su condicion e menor a yega na tal punto cu apenas cu dos año di edad e tabata pisa apenas 9 liber.

Venezuela:

Chavismo ta sconde informacion relaciona cu militarnan vincula na corrupcion

(ElNacional) - Chavismo ta sconde informacion relaciona cu e militarnan deteni pa hechonan di corrupcion vincula na e industria petrolero y otro empresanan di e Estado Venezolano, pa cual motibo tin te cu e fecha di awe 58 persona deteni, segun e ultimo actualisacion ofreci pa e fiscal general, Tarek William Saab.

Asina Control Ciudadano a denuncia den un comunicado cu ta bisa cu entre e personanan deteni, tin e oficialnan Antonio Perez Suarez, ex vice presidente di Comercio y Suministro di Calidad di Petroleo di Venezuela; Samuel Testamarck, gerente

general di PDV Marina y Jose Agustin Ramos Chirino, ex gerente general di e Direccion di Seguridad Integral di IV Ejes, na e Faja del Orinoco.

E organizacion a señala cu e cifra por ta mas grandi. El a recorda tambe cu Vladimir Padrino Lopez, Minister di Defensa, a pesar cu el a referi na e uniformadonan cu ta envolvi den actonan ilicito, no a indica e identidad di e militarnan ni cuanto ta deteni.

“E titular no a señala un cifra y tin silencio total ariba e detencionnan militar. Den e comunicado, Padrino Lopez, a referi na militarnan cu tabata cumpli cu mision di servicio na PDVSA, pero a sali infor-

macion, no oficial, cu militarnan vincula na e trama di corrupcion di e Corporacion Venezolano di Guayana por ta deteni,” e ONG a bisa.

“Tin tiki detaye cla di e investigacion y lista di detenidonan, no tin nada mas cu e confirmacion di algun nomber di e detenidonan y comentarionan general realisa pa Tarek William Saab na e ruedanan di prensa tocante e casonan aki,” el a manifesta.

Control Ciudadano a sugeri e fiscal general di e pais pa comunica a traves di un nota di prensa e cantidad di militarnan deteni, cu informacion completo di nan identidad, rango y componente



na cual nan ta pertenece y nan situacion di actividad of reserva activo den cual nan ta. Ademas di e cifra total di civilnan deteni cu informacion completo di identidad,

e delitonan cu nan ta wordo acusa di dje, te na cuanto e perdida total di e dañonan na e patrimonio publico ta yega y e luga di detencion di e presunto involucradonan.

A haya actor Drake Bell despues di a declara su persona dispare



(AP) - A haya Jared "Drake" Bell, actor miho conoci pa su rol como Drake den e programa "Drake & Josh", oranan despues cu autoridadnan na Florida tabata buscando su persona cu tabata supuestamente "perdi y den peligro."

Bell tabata den contacto cu cuerpo policial y no tabata den peligro, Daytona Beach Police Department su vocero Carrie McCallister a bisa den un e-mail sin cu a provee mas detaye. "Actualmente nos por confirma cu e oficialnan di autoridad ta den contact cu cune y Mr. Bell ta safe," McCallister a bisa.

McCallister a referi na peticonnan pa mas detaye cu a haci na Orange County sheriff's Office situa na Orlando, cual no a responde na un mensahe cu a manda via email.

Oranan anterior, e departamento policial na Florida a publica un anuncio unda a declara Bell "perdi y den peligro" y a pidi publico ayudo den localisa su persona. Prome cu a haya e actor riba diahuebs atardi, a reporta cu a mira Bell ultimo riba diaranson anochi rond di Daytona Beach High School.

Representantenan di e actor di 36 aña no a duna comentario na The Associated Press.

Prins Harry lo atende coronacion di su tata sin Meghan Markle



(AP) - Prins Harry lo atende e coronacion di su tata, segun loke Buckingham Palace a informa diaranson, cabando cu lunanan di speculacion tocante e presencia di e prins y si e lo ta un invitado bon bini despues di e acusacionnan y declaracionnan tocante e famia Real cu a prins a haci ultimamente.

Su casa Meghan, Dukesa di Sussex, lo permanece na e pareha su cas den South-

ern California cu su dos yunan, Prins Archie y Prinses Lilibet, e palacio a sigui informa. Un declaracion practicamente identico di e representantenan di Sussex a confirma e noticia.

E fecha di e coronacion, cual ta dia 6 di mei na Westminster Abbey ta coincide cu nan yiu homber su cumpleaños. Mientras e anuncio mester silencia e debate di si e ta bay of no, den media Britanico, e no lo caba cu e drama cu tin

tocante e relacion entre Harry y Meghan y e Rey Charles. Ora cu e prins a atende e entiero di su welo y wela Prins Philip y Reina Elizabeth II, e comentarionan a trata tur tipo di tema, for di si Harry lo bisti uniform di militar te na exactamente unda el a sinta. Y tambe semper tabatin e pregunta si e lo reuni cara a cara cu su ruman homber Prins William. Ta premira cu durante e coronacion, e atencion y enfoke lo ta den e mesun temanan.

Mo'Nique ta demanda CBS y Paramount tocante derechonan di 'Parkers'

(AP) - Mo'Nique a demanda Paramount y CBS riba diaranson, buscando loke e actriz ganadora di Oscar y comedianta bisa ta "derechonan no paga ainda di su programa "The Parkers."

E demanda pa incumplimento di contract entrega na Los Angeles Superior Court y obteni pa The Associated Press ta alega cu e acusadonan artificialmente a rebaha e programa su "ganashi pa retene miyones cu en realidad lo mester a pertenece

na" Mo'Nique su compania di produccion.

"Mientras e serie a comproba di ta un gran exito financiero pa su productornan y distribuidornan, e serie su talento no a ser permiti comparti e frutonan di e exito aki," e demanda ta acusa.

E demanda a keda otorga pa Hicks Media, e compania di produccion cu Mo'Nique y su pareha Sidney Hicks ta maneha. Esaki ta nombra como acusadonan CBS Studios, Paramount Pictures y

e programa su compania di produccion Big Ticket Productions. Nan ta pidi pa determina e dañonan monetario den e huicio.

E demanda tambe ta bisa cu e serie su creadornan y escriptoran no a ser paga debidamente, y cu Mo'Nique a haya sa cu e kibra e contract recientemente ora cu e empleadonan aki a entrega un demanda similar. "Mi djis kier e compensacion stipula den e contract cu mi a gana," Mo'Nique a bisa den un declaracion.

HURRY NOW!

AFL 26.95

/pa siman

4.5 cu. ft. Washer w/ Stainless Steel Basket

LIMITED TIME ONLY!

GE

*This is a rent to own transaction. You don't own the product until all rental payments are completed. Example: AFL 26.95 x 12 months= AFL 1401.40. See store for details.

CUMANA 74 | 582-RENT

NO CREDIT CHECKS

DIAL Rent-to-Own

WeConnect Tayer informacion pa eleccion di estudio pa studiantenan di examen final



E Tayer “Informacion pa eleccion di estudio” a wordo duna dia 4 y 5 di april ultimo na un grupo di estudiante di examen final na Colegio Arubano. Mas cu 300 alumno di HAVO 5 y VWO 6 a participa na e tayer aki den nan orario di scol.

Studiantenan di Colegio a para dilanti klas y comparti nan experiencia ora di na estudio na Hulanda. Esaki ta un iniciativa di e fundacion educativo WeConnect cu asina ta duna sosten na informacion pa eleccion di estudio. “Tur aña den e periodo aki nos ta duna e serie di informacion aki, riba peticion di e scolnan”. Asina coordinador Ra-

chel Hughes di WeConnect ta informa nos.

Informacion

Un gran parti di e studiantenan aki lo ta saliendo pa exterior den un par di luna; e eleccion pa Hulanda ta uno obvio. Algun di nan sa caba kico nan ta bay studia y na cua ciudad, otro nan ta duda. “Ta dificil pa haci un eleccion na distancia y no ta tur hende tin e luho di bishita scol y universidad nan prome cu bay studia. P’esey nos ta contento cu e demanda aki di e scolnan.” Manager Tanja Fraai di WeConnect ta bisa.

Ex-alumnonan dilanti klas WeConnect ta traha a base di e sistema persona na per-

sona p’esey e informadornan ta ex-alumno nan cu a bay Hulanda pa studia. E Arubiano Amedee Wever a studia ciencia di tera na Universidad Liber di Amsterdam. E ta duna e informacion cu placer: “Nos ta experiencia cu nos por duna un contribucion positivo na e proximo generacion di estudiante, pa asina tur aña nan ta miho prepara pa e bida na Hulanda.”

Tip

Nanine Ponson a kies pa e estudio di Biologia y investigacion di Laboratorio Medico na Universidad di Leiden, sigui pa un doctorado na Universidad liber di Amsterdam. Su tip pa e estudiante nan ta: “Cuida bo mes, mas ora ta trata di bo salud mental. Tambe, diberti!” E di tres informador ta Joseph Loaiza, el a studia ley di Impuesto na Universidad di Leiden. Joseph ta contento cu awor presupuesta tambe ta parti di e informacion cu “WeConnect” ta duna: “Bo mester ta prepara pa gastonan inespera y bo mester tin gara riba bo



finanzas. Bo mester siña hasi cosnan pa diberti sin sinti bo limita. Bida ta un proceso di aventura.”

Necesidad

Na Colegio tin necesidad di e informacion di WeConnect. Decano Richeilla Wijngaarde ta bisa: “Loke den mi opinion ta importante y dibertido, ta cu e informacion ta wordo duna door di profesional nan hoben. Nan ta jong, y nan a experimenta e bida di estudiante of nan ta involucra cu estudiante nan cu ta studiando ainda.” E ta contento tambe cu a añadi e informacion tocante presupuesta. “Salimento y cumplimiento ta importante pa hopi estudiante, pero nan mester sa tambe con pa

maneha nan placa. E aña aki nos a ricibi hopi pregunta di presupuesta di nos estudiante nan, p’esey nos a dicidi di duna mas atencion na esaki.”

Salud Mental

Tambe informacion riba salud mental a wordo duna door di WeConnect pa prome biaha e aña aki. Hopi necesario, segun decano Wijngaarde: “Ta importante pa alumnonan compronde cu bida ta consisti di cay y lanta bek y cu no ta tur ora cos ta bay manera nos a planea. Bo estudio por decepciona bo, pa prome biaha bo ta biba riba bo mes. Kico bo ta haci ora cosnan no bay manera bo kier? Bo ta cambia e situacion y bo ta sigui!”

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Robert Arends

AZV kier o no kier controla?

E organisacion di salud publico na Aruba ta basa pa un parti riba participacion financiero “obligatorio” di tur hende (pueblo) y di otro parti e ta basa riba “libertad” di dunado nan di cuido (“zorgverleners”) pa duna cuido y cobra pa nan trabao. Meymey di e pueblo y e dunadonan di cuido , Gobierno (politiconan) a instala/ pone e institucion AZV pa “run the show”.

Awor , ora Hulanda pa medio di su instancianan di control reconoci pa Gobierno di Aruba (politiconan) , constata cu e gastonan di salubridad publico ta demasiado halto pa pueblo di Aruba carga , nada

no ta worde haci - ni pa Gobierno ni pa AZV - pa bin cu mas control y/o normanan den cuido di salubridad publico na Aruba.

A base di e informacion cu ta sali den prensa local , por pensa cu tin cierto aspectonan di cuido cu ta pisa hopi riba e potmoni/cartera di pueblo. Por pensa riba aspectonan manera “remedi/botica” , manera “ testnan/laboratorio” , manera “specialista/tratamiento” , manera “hospital/cuido interno” , “ etc etc “.

Pa AZV por haya un bista mas exacto (a base di cifra real) , e pregunta ta presenta di con AZV te AINDA no a introduci e sistema moderno pa

por “follow” - pa medio electronico - con tur peticion pa cuido (verwijsbrief y otronan) ta move entre e “zorgverlener” nan ?

Como prueba mester por cuminsa introduci tal sistema sin mucho problema pa por lo menos “remedi/botica” y pa “testnan/laboratorio”. Den e mesun prueba aki por pidi o exigi di dunado nan di cuido tambe , pa nan manda info di loke nan lo cobra AZV despues di cumpli cu e peticion nan (un bes pa siman ?). Asina AZV ta haya un bista - pa siman y controlabel - kico ta e gastonan y cua ta e cuido cu ta mas pidi (= cua enfermedad/producto) .



Ta asina dificil pa AZV haci PRUEBA cu “botica” y “laboratorio” pa mira si por logra mehora servicio y administracion di AZV y tin miho bista y control riba enfermedad/producto nan y cuanto nan ta costa ? Si e prueba (cu botica y laboratorio) ta exitoso , AZV por aplica e sistema electronico

aki tambe pa “follow” tur otro peticion (por ehemplo “verwijsbrief”) entre e dunado nan di cuido y asina mehora servicio y control riba e gastonan di AZV cu finalmente ta resulta di tin cu worde paga for di potmoni/cartera di cada participante na AZV.

Djis pa pensa ariba sin miedo!

Skirbi pa Robert Arends

Idioma di instruccion

Tur e discusion y e falta di decision den e caso di “idioma di instruccion” mester culmina den algo special pa Aruba.

E special di Aruba mes ta cu :
- Aruba te ainda ta un participante den Reino Hulandes (algo Europeo) caminda cu e fundeshi (Ley y Reglamento nan) ta basa riba e idioma “Hulandes” di moda cu habitantenan di Aruba mester tin e habilidad pa por compronde “Hulandes”;
- Aruba ta situa den continente Americano cu laso y

contacto fuerte (comercial y familiar) diario cu e idioma “Ingles y Spaño” di moda cu habitantenan di Aruba mester sa algo basico den e idioma ey pa por funciona cu comunidad internacional (turista/deportista/etc) ;
- Aruba su historia a haci cu maske tin hopi (otro cu Hulandes) nacionalidad biba den su teritorio , Aruba a sa di desaroya y mantene su propio idioma “Papiamento” como idioma principal di contacto.

Tur e aspectonan ya men-

ciona no ta haci cu cambio general di un dia pa otro , di e idioma di instruccion “Hulandes” pa un otro idioma , ta posibel ni deseabel. Cambio por bin leu den futuro eventual ora bin cambio na Aruba den situacion politico/comercial/o otro.

Pero e pregunta ta keda si - den enseñansa - mester cambia e idioma di instruccion “Hulandes” pa un o mas di e idioma “Papiamento”, “Ingles” o “Spaño” ? Mester bolter e estructura - den enseñansa - completo y

di golpi pa otro idioma ? No ,no y no , no ta necesario ni recomendabel den e situacion actual di Aruba.

E miho cos pa Aruba awor aki ta :

- mantene e actual idioma di instruccion “Hulandes” pa motibo cu nos tur mester por lesa y compronde Ley y Reglamento nan di Aruba cu ta na “Hulandes”;
- habri e posibilidad (no obligacion) pa algun (o tur ?) scol usa “Papiamento” te cierto grado/edad como idioma di instruccion pa mantene

y mehora e conocimiento di “Papiamento”;
- cuminsa tempran (edad/grado ?) cu siñamento di “Ingles y Spaño” papia (conversacion diario no literatura) y den gradonan mas halto siña e idioma ey skirbi di forma simpel ;
- den edad/grado (cua ?) cu ta prepara pa bay studia den exterior , hisa e nivel di maestro y alumno den e idioma mas necesario (“Hulandes” ?).

Un otro alternativa lo por ta - depende di e gastonan - bin cu scolnan o subsidia scolnan ful basa riba “Hulandes” o riba “Ingles” o riba “Spaño” , cu material y maestro (?) original di e paisnan y laga e interes/responsabilidad di mayornan y iunan determina cua scol nan ta desea di bay.

Gobierno a yega di pidi un instancia - independiente - haci encuesta general bao mayornan cu jiu pa logra midir e interes (no for di enseñansa pero for di mayornan !) pa tipo di scol ? Un encuesta asina no ta yuda forma opinion y tuma decision ?

Pa pensa ariba sin miedo!



Accidente den Dadelstraat net yegando rotonde Tarabana



Diahuebs merdia polis a presenta na Dadelstraat net prome cu rotonde Tarabana. Aki tabata tin un accidente entre un bicicleta cu motor di bateria y un auto. Ambulance a presenta, pero ningun persona tabata herida.

Dos ruman a bringa den un hotel na Oranjestad



Diahuebs madruga polis a presenta na un hotel den Oranjestad.

Aki dos ruman lo a bringa cu otro y a tira glas corta otro. Polis a atende cu nan, pero niun di dos kier a entrega keho.

Pida mondi atrobe na candela den Tanki Leendert



Diaranson merdia brandweer a presenta panort di Retraco na Tanki Leendert. Aki tabatin un pida mondi na candela. Brandweer a combati e candela.

Polis a detene taxista cu lo kier a dal 4 hende cu auto na Riu



Diahuebs atardi polis a haya informe cu un taxista lo kier a pasa auto riba

4 turista na Palm Beach. di Tanki Flip y par'e y a detene. Polis a topa cu e taxista banda

Team di Aresto a para un auto y a detene hende



Diahuebs atardi Team di Aresto den accion den area di Solito banda di RCA. Aki nan a para un auto y a detene un persona.



STATEN VAN ARUBA

OPENBARE VERGADERING OP 17 APRIL 2023 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening houdende regels inzake de tijdelijke verstrekking van financiële steun vanwege de buitengewone omstandigheden als gevolg van de COVID-19-pandemie aan het midden- en kleinbedrijf (Landsverordening tijdelijke MKB-regeling)

De Griffier,

mr.drs. Herman Ch. J. Hek

Musk ta bisa cu tin “Twitter” ta doloroso pero tabata necesario

(AP) – **Biyonario Elon Musk a conta BBC cu maneha Twitter te awo ta “doloroso” pero cu e compania actualmente ta yegando na un punto stabil despues cu el a adkiri esaki fin di ana pasa.**

Den un entrevista diamars riba Twitter Spaces, Musk a trata e tema di su rol como dono di e plataforma online, incluyendo e retironan, mal informacion y su ciclo di trabao. “E ta divertido. E ta manera un rollercoaster,” el ac onta un noticiero di Reino Uni na Twitter su base na San Francisco. E ta un chens poco comun pa un noticiero comun por



entrevista Musk, ken tambe ta dono di Tesla y SpaceX. Despues di a adkiri Twitter pa 44 biyon dollar ana pasa, Musk su cambianan ta inclui elimina e compania su depar-

tamento di comunicacion. Reporteronan cu manda un email na e compania pidiendo comentario awo ta haya un respuesta automatiza cu un emoji.

E entrevista tabata tenso den algun momentonan, cu Musk desafiando e reportero pa sostene asertacionnan tocante e nivelnan di mensahenan di odio riba e plataforma. Den otro momentonan, Musk tabata hari na su propio chistenan, mencionando cu mas di un biaha e no tabata e CEO sino su cacho Floki. Tambe el a revela cu algun biaha e tabata drumi riba su sofa na e oficina den San Francisco di Twitter. Promotornan

cu a critica e plataforma den comienso di Musk su adkisi-cion di Twitter a bolbe back, e biyonario a bisa, sin provee mas detaye.

Despues di a adkiri e plataforma, Musk a ehecuta varios retiro en masse di trabao como parti di esfuersonan pa corta gastonan. El a bisa cu Twitter su forza laboral a ser corta cu mas o menos 1,500 empleado di mas o menos 8,000 anteriormente, describiendo cu esaki ta algo cu mester a haci. “E no ta nada bon,” Musk a splica. “E compania tabata di bay bancarota si nos no lo a corta e costonan inmediatamente. Esaki no ta un situacion di consideracion

of no consideracion. E ta un situacion unda cu si e barco hundi, eora niun hende tin trabao.”

Ora cu a puntra su persona si e ta repenti di a adkiri Twitter, el a bisa cu esaki ta “algo cu ta necesario pa haci”, agregando cu “e nivel di dolor cu Twitter ta sumamente halto. Esaki no tabata un tipo di fiesta,” Musk a comenta.



Polis Hulandes ta aresta 17 persona mientras Operation Cookie Monster ta derumba mercado global di hacker

(NLTimes) - **Polis na Hulanda a aresta 17 persona como parti di Operation Cookie Monster, un investigacion internacional di Europol, Cuerpo Policial Hulandes, FBI na Merca, Reino Uni su National Crime Agency y investigadornan den 14 otro pais.**

E investigadornan a enfoca riba derumba e mercado Genesis, cual ta un mercado pa credencialnan horta y bo tusa pa obtene data y usa esaki den actividadnan criminal. E data ta pertenece na miyones di persona y a ser trafica via e sitio web, cual ta inclui mas o menos 50,000 persona cu ta biba na Hulanda.

A aresta un total di 119 persona rond mundo, incluyendo

e 17 sospechoso na Hulanda. Investigadornan a busca den 208 propiedad na mesun momento, incluyendo 23 localidad Hulandes. Mas aresto na Hulanda ta hopi probabel di tuma luga mirando cu te ainda ta pasando door di informacion colecta durante e investigacion pa identifica personanan cu ta haci uso di e mercado aki pa estafa hende, hasta si nan no a ehecuta e crimen aki. Polis a adverti cu Genesis Market ta mantene data di su mesun usuarionan, aunke e ta priminti cu e no ta haci esaki.

“Genesis Market tabata considera un di e facilitadornan criminal mas grandi cu mas di 1.5 miyon bot na benta cu mas di 2 miyon identidad na e momento cu a derumba es-

aki,” Europol a informa den su declaracion. “Cu mas di 1.5 miyon bots na benta riba Genesis Market, tin un chens grandi cu e credencialnan di nos residentenan ya caba tabata na benta riba e mercado criminal aki.”

E personanan cu a haci uso di Genesis Market pa compra un bot cu a infecta un victima su dispositivo, sea via programacion of tactica pa podera di e victima su cuenta, por usa e bot aki pa colecta informacion cu e doño di e dispositivo tin warda den esaki. E informacion ta colecta live, y e persona cu compra e bot aki ta keda notifica di e cambianan di password ora cu esaki pasa. E botnan por costa entre 0.70 dollar te na centenares di dollar pa botnan cu acceso na informa-



cion financiero y cuentanan di banco online.

Hopi di e 50,000 persona na Hulanda cu tabata victima di e skema aki a perde placa. “Tin casonan unda perfilnan di rednan social a keda horta of a pidi paketenan riba tiendanan online usando otro persona cu cuenta. Sinembargo tambe nos tin victimanan cu tin portfolio di inversion of cuentanan di banco cu a keda completamente bashi. En general, bo ta perde control di henter bo bida online,” Ruben van Well

di Rotterdam Politie su ekipo di crimen cibernetico.

Oficialmente, FBI ta esun cu a derumba Genesis Market, na cual por a tin acceso via internet publico. Europol a recomenda haci uso di un programa antivirus pa haya y kita cualkier ‘malware’ y pa cambia password solamente despues cu a kita esaki.

Polis di Hulanda a crea un sitio web unda cualkier persona rond di mundo por revisa si nan email ta inclui den cualkier paquete di data cu a hack. E sitio web ta disponibel tanto den Ingles (<https://www.politie.nl/en/information/checkyourhack.html>) como na Hulandes (<https://www.politie.nl/informatie/checkjehack.htm>).

Advertorial

SETAR ta brinda St. Regis Hotel Aruba e prome solucion di Fiber To The Room (FTTR) na Aruba

SETAR, e compania lider den comunicacion na Aruba, recientemente a cera un contrato cu St. Regis Hotel Aruba pa instala e prome solucion di Fiber to the Room (FTTR) na Aruba usando e solucion di SDLAN di Corning Optical Communications.

E solucion aki ta hopi importante pa e industria hotelero di Aruba, pasobra e clientenan di St. Regis Hotel Aruba por gosa di un conexcion di internet rapido y confiabel den tur



255 camber di e hotel. E instalacion di Fiber To The Room (FTTR) ta basa riba e



solucion di SDLAN di Corning Optical Communications cu ta brinda un red di Fiber

Optics cu por wordo adapta na e necesidad di e cliente y cu por crece cu e hotel den futuro. E tecnologia aki ta reduci e consumo di electricidad y ta minimalisa e uzo di kabel di koper.

Ademas, e ta haci cu e red aki ta uno hopi eficiente, conectando cambernan di e hotel, espacionnan publico y oficinanan di e propiedad. Fiber To The Room (FTTR) ta permiti cu e cliente por haya acceso na Internet cu un velocidad sumamente rapido, stream contenido di High

Definition y conecta varios aparato simultaneamente sin interrupcion.

SETAR ta sumamente contento cu e contrato cu St. Regis Hotel Aruba, cu ta haci posibel e introduccion di e tecnologia di Fiber To The Room (FTTR) na Aruba. E solucion aki hunto cu Corning Optical Communications ta permiti nos pa entrega un red di Fiber di calidad halto y cu ta cumpli cu tur e necesidadnan di St. Regis Aruba.

Bayern ta deshaci di Mané pa ‘mal conducta’ despues di wega na Manchester City

(AP) – Bayern Munich a deshaci di Sadio Mané for di su team pa e siguiente wega y ta bay duna un boet na e delantero Senegales despues di reportahenan den medionan di comunicacion Aleman cu el a dal su compañero di team, Leroy Sané despues di e perdida diamars den Champions League contra Manchester City.

“Sadio Mané, 31, no ta bay ta inclui den e team di FC Bayern pa e partido diasabra aki contra 1899 Hoffenheim. Esaki ta pa motibo di su mal conducta despues di e partido di Bayern den Champions

League na Manchester City. Tambe ta bay duna Mané un boet,” e club a bisa den un declaracion breve ayera. Bayern no a duna mas detaye di kico a pasa.

Un corant tabloide Aleman, Bild, tabata e prome pa reporta e incidente, y esaki supuestamente a sucede den e locker room despues di e perdida 3-0 contra City den e first leg di nan quart final di Champions League. Bild a reporta cu Mané a dal Sané ambos a train cu e team di Bayern ayera, y a mira Mané papiando cu coach Thomas Tuchel.

Mané a firma contract cu

Bayern na juni for di Liverpool, unda el a gana e Premier League y Champions League. E tin 11 gol den 32 wega pa Bayern den tur competencia, pero no a anota desde un lesion na su pia na november, cu a forsa e delantero Senegales pa ta ausente di Mundial. Den e cuatro wega di Tuchel desde cu el a remplaza Julian Nagelsmann como coach luna pasa, Mané a start un y a subi for di bench den e otro tres.

E siguiente wega di Bayern ta contra Hoffenheim den Bundesliga diasabra.



SV Stingers softball team cu bautismo di nan uniform nobo

Diaranson anochi, den un esfera ameno na Centro di Bario Noord a tuma luga bautismo di uniform di SV Stingers SBT.

SV Stingers SBT ta un ekipo di softball hoben y ta consisti di alrededor (20) binti hungado cu hopi pasion pa e deporte. Pa lunanan largo directiva a traha hopi duro pa por a lanta e ekipo di softball y awe ta un realidad.

Minister Endy Croes acompaña pa su kerida esposa Sra. Dilaila Croes tabata presente durante e ceremonia di bautismo. Memey di hungado y dirigentenan di e ekipo y famia a efectua bautismo di e uniform nobo. Minister Endy Croes hiba palabra di hopi motivacion compartiendo e 4D di Deseo, Disciplina, Dedicacion y Determinacion pa logra den deporte.

Alabes Mandatarido di Deporte a felicita ekipo di SV Stingers SBT cu nan statuut y bautismo di uniform. Palabranan di gradicimento na tur cu a aporta y haci e bautismo di uniform nobo un realidad y alabes ta desea ekipo di SV Stingers SBT hopi exito den campeonato 2023.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Minister Endy Croes a reuni cu Dr. Gerrit Croes



Siman pasa, Minister Endy Croes a reuni cu dr. Gerrit Croes y su yiu muhe, Nicole Croes cu ta finalizando su estudio na HAVO. Dr. Croes ta ex presidente di partido Movimiento Electoral di Pueblo (MEP) y candidato riba e lista geel.

Un doctor hopi conoci y popular na Aruba cu ta atende y yuda hopi hende den comunidad. Nicole Croes ta desea di continua su estudio avansa den exterior. Minister Endy Croes a duna un splicacion amplio di kico ta e posibilidadnan na Merca y con esaki ta hinca den otro, como tambe di e posibilidadnan pa sigui cu un estudio avansa na Hulanda y con esaki ta hinca

den otro.

A dialoga di e areglonan cu Gobierno di Aruba tin cu institucionnan na Merca y Hulanda. Pues, a brinda hopi informacion riba posibilidadnan pa studiantenan cu ta desea di continua cu nan estudio mas avansa den exterior. Banda di esaki, a trata topiconan general cu dr. Croes di su experiencia den politica. Tambe dr. Croes a duna basta conseho riba diferente topiconan di interes y topiconan di preocupacion pa cu pais Aruba den totalidad.

Concluyendo, Minister Endy Croes a indica cu e tabata un bon reunion y alabes ta gradici dr. Gerrit Croes pa su conshonan.

Minister Endy Croes (MEP) a reuni cu Dr. Suresh Narine di Trent University Canada



Recientemente, Minister Endy Croes hunto cu Sra. Terry Gumbs a reuni cu dr. Suresh Narine di Trent University di Canada. Trent University ta un universidad hopi conoci y costoso na Canada, cual tin un exigencia hopi halto pa por drenta. Durante e reunion a trata diferente topico importante.

Dr. Suresh Narine a bin cu un grupo di inversionista cu ta dispuesto pa crea cierto

proyecto di agricultura pa Aruba, manera “self sustainable”, “food security”, etc. Hunto cu gobierno y asociacion di hotel, nan tin un programa asina via Trent University Canada na Barbados y algun otro isla den cercania.

Den “low season” tin posibilidad di trece entre 100 pa 200 estudiante di diferente pais rond mundo na Aruba pa haci diferente investigacion den un programa cu ta acreditado. Ademá di esaki, Trent

University ta ofreciendo un beca unda cu e docentenan di otro universidad por haal nan PhD. E condicion di e beca aki ta cu unabes haal e PhD, e docente mester bay traha prome durante cinco (5) aña na e pais cu ta habita.

Pues, Gobierno di Aruba ta bay sigui explora pa evalua si tin interes pa firma un MoU cu Trent University. Durante e lunanan dilanti, lo mira kico esaki a produci como resultado final.

Parlamentario Arthur Dowers (AVP)

No Evelyn pero Van Huffelen lo inverti den enseñansa

Prome Minister Evelyn Wever Croes a celebra na Den Haag recientemente despues cu el a firma acuerdo cu Hulanda pa introduccion oficial di e Landenpakket cu lo tin consecucionan financiero serio pa henter pueblo di Aruba.

Parlamentario Arthur Dowers di fraccion di AVP ta muestra cu un biaha mas e lider di MEP no tin pueblo di Aruba na prome lugá cu no a pasa ningun aña di su gobernacion, cu su gobierno no a dal pueblo cu medida.

“Nos por a mira con contento Evelyn tabata na Den Haag recientemente, caminda entre otro van Huffelen a informa cu lo bay inverti mijones den e sector educacional di nos pais, algo cu ta un necesidad, despues c’un biaha mas un gobierno di MEP a neg-

lisha por completo e sector educacional pa seis aña.

Sinembargo esaki no ta algo nobo, al contrario durante gabinete di Nel Oduber di MEP for di 2001 te cu 2009, a negligia e sistema di educacion di tal forma, caminda blafon y dak di klasnan tabata cay riba cabes di estudiante- y maestronan.

Bañonan cu no tabata traha, portanan di klasnan cu tabata cubri cu plywood ya cu e klasnan a kibra y curanan di scol cu a cay den otro pa falta di mantencion.

Pa tal motibo ora cu scucha van Huffelen papia cu lo bay inverti den enseñansa aki na Aruba, lo ta bon pa menciona di con esaki ta necesario, ya cu gabinete Mike Eman I y II, for di 2009 te cu 2017, a inverti den enseñansa, un suma

impresionante di 55 milyon, 555.099 mil florin pa percura pa nos mucha- y hobennan por a haya educacion den un lugá digno y relajante.

Mi persona a carga responsabilidad como Minister di Enseñansa for di 2001 te cu 2009 caminda durante di e periodo aki, a inverti un suma casi di 26b milyon florin pa drecha scolnan cu gobierno di MEP a laga bay perdi.

Un total di 8 scol durante di e periodo aki a wordo renoba pa un suma di 22 milyon 725.829 mil, scolnan cu practicamente tabata cayendo den otro mientras cu pa reconstruccion di curanan di scol a inverti un suma di 2 milyon, 185 mil florin mientras cu a inverti e suma di 1 milyon florin pa verf scolnan cu tabata den mal estado y cu pa 8 aña no a mantene esakinan.

For di 2013 te cu 2017, gabinete Mike Eman cu Minister Hooyboer como responsabel pa enseñansa, a sigui inverti den enseñansa caminda 14 proyecto di FDA, a wordo atende pa un suma di 25 milyon, 812.471 mil florin.

Fuera di esakinan tambe a inverti fondonan conoci como “onderwijsfonds” caminda a haya placa for di instancianan Hulandes caminda a yuda 13 scol pa renoba tubo di awa, asfalta tereno di scol, a pone trailer a renoba diferente scol cual a hiba un inversion di 3 milyon 831.799 mil florin pa un total di 29 milyon 644.270 mil florin.

Den ultimo seis aña di gobernacion di otro gobierno di MEP, tampoco a inverti den e sector educacional, al contrario a permiti ex minister Rudy Lampe torno na henter



e sistema, creando problema anan innecesario na lugá di sigui inverti den progreso educacional di nos mucha y hobennan.

Ta un berguensa mira Prome Minister Evelyn feliz di a firma e Landenpakket, sabiendo cu su dos gobiernonan no a haci nada pa educacion di nos muchanan y solamente a inverti den famia- y amigonan,” Parlamentario Arthur Dowers a declara.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Minister Glenbert Croes (MEP) den number di e comunidad di Aruba:

“Ta gradici prome minister, minister di Finanzas y delegacion pa defende y honra e dignidad y libertad di nos pueblo”

Minister Glenbert Croes, den number di henter e digno pueblo di Aruba, ta felicita y gradici e delegacion na Hulanda, lidera pa Prome Minister Evelyn Wever-Croes pa logra yega na acuerdonan cu Hulanda beneficiando e interes general di pueblo.

Aruba ta e prome pais pa logra su Status Aparte na 1986, mandando asina e mensahe pa Hulanda di kier ta un pais cu kier determina su propio destino. Esaki sigur ainda ta deseo di henter e comunidad, y e acuerdonan firma cu Hulanda pa Prome Minister y Minister di Finanzas ta honra e decision y determinacion di e pueblo aki pa sigui determina e futuro di pais Aruba

pa decanan padilanti.

Gobierno di Aruba y e comunidad en general ta sumamente agradecido na Hulanda pa tur e apoyo brinda na pais Aruba durante e pandemia. E recuperacion di nos isla ta muestra cu nos mes por pone nos pais para bek riba su pianan y pone nos economia florece.

Den number di e comunidad di Aruba, un danki y elogio grandi na Prome Minister Evelyn Wever-Croes, na Minister di Finanzas Xiomara Maduro y henter e delegacion pa un biaha mas salvaguardia e interes di nos Pais y pone e number di Aruba na halto.” Minister Croes a expresa.



Parlamentario drs. Shailiny Tromp-Lee (MEP) cu apelacion pa madurez politico y un votacion unanime PRO integridad

Parlamentario Tromp-Lee ta remarca cu desde 2014 partido MEP a presenta un propuesta pa implementa un trayecto pa garantiza integridad den gobernacion. E propuesta aki tabatin como meta pa por hiba discusion al respecto y enfatisa e necesidad di su introduccion.

E nota pa discusion aki ta yama ‘Integriteit: het juiste doen, ook als niemand kijkt’ (2014). Haci lo corecto, incluso ora ningun hende ta mirando!

Integridad cu contenido
Mas cu claro a integra integridad den e programa di campaña di Partido MEP. Ora a yega e momento Lider di Partido MEP, actual Prome Minister di Aruba sra. Evelyn Wever-Croes, a percura pa integridad ta forma e liña cora den maneho di Gabinete Wever-Croes. Den e programa di Gobernacion partnernan den coalicion a stipula cu mes-ter brinda pueblo di Aruba un gobierno basa riba bon gobernacion, transparencia y integridad den gobernacion.



Na mes momento poniendo hopi enfasis riba un finanzas publico responsabel pero sin perde di bista cu semper e ser humano mester keda central.

Fraccion di MEP di su banda tambe a demostra cu a traha duro pa percura cu e concepto no ta keda bashi y solamente na palabranan bunita riba papel. Recientemente Parlamento a trata y aproba leynan necesario pa garantiza integridad den gobernacion. Leynan manera Ley di Financiamiento di Partidonan Politico y Ley di Ombudsman y alabes a percura pa aproba fondo pa Bureau Integridad y Integriteitskamer.

Un ley pa reenforza bon gobernacion

Tromp-Lee tin solamente palabra di elogio pa Minister President, cu no obstante cu nos pais ta pasando den momentonan hopi dificil el a sigui traha riba e aspecto di integridad na tur momento. Lastimamente cu e iniciativa di ley encuanto integridad di ministers y kandidaat ministers, presenta pa coleganan Vrolijk y Tjon, no a haya e sosten y no a keda aproba. E reunion a termina cu un votacion di 10 contra y 10 na favor y mirando cu no tur 21 parlamentario tabata presente e reunion mester tuma lugar un biaha mas.

Mescos cu Tromp-Lee a haci durante e reunion publico, e kier un biaha mas haci un apelacion pa madurez politico y ta spera cu tur cu a vota contra por recapita y muestra Aruba cu enberdad nos tur ta comprometi pa garantiza cu Aruba lo tin un gobernacion cu lo percura pa bon gobernacion basa riba transparencia y integridad.

Un ley cu a cana su caminda debidamente

E ley ta uno cu a keda inicia na 2015 door di Fraccion di AVP mes, caminda si no tabata pa e cambionan drastico realisa na mei 2017, ya caba e lo a bira un realidad. Door di e cambionan menciona Raad van Advies a conseha Gobernador di Aruba na juni 2017 pa no ractifica e ley presenta pa AVP e tempo ey. Un di e motibonan ta cu Raad van Advies ta di opinion cu e ley no ta cumpli cu transparencia y imparcialidad pa loke ta trata nombracion y bon gobernacion. Raad van Advies ademas a subraya cu e ley despues di e cambionan realisa pa AVP no por a garantiza e integridad di minister y kan-

didaat minister. Pa es motibo aki mes Tromp-Lee ta remarca cu su coleganan Vrolijk y Tjon a encamina e proceso pa realisa e cambionan necesario y percura pa tene debido cuenta cu e consejo di Raad van Advies den e iniciativa di ley cu nan a presenta. Nan a percura pa e.o., garantiza e integridad di ministernan den funcion, nan a duna e aspecto ‘Friends and Family’ su debido atencion y a percura pa ministernan no por cherce trabou extra.

Parlamento ta pendiente di Raad van Advies

Mirando cu pa Fraccion di MEP e ley aki ta hopi importante a keda dicidi cu initiatiefnemernan ta bay manda e ley incluyendo e amiendanan presenta durante reunion pa Raad van Advies pa un consejo al respecto. Fraccion di MEP ta bay keda en espera di e consejo aki y mas cu claro lo bay mira con tur fraccion den Parlamento lo bay vota durante e siguiente reunion. Pueblo mes lo sa di husga cada parlamentario y partido pa si nan ta para pa integridad si of no!

Minister Geoffrey Wever

Registracion ta habri pa curso Finanzas den mi Hogar na Oranjestad

Curso 3 di e proyecto Finanzas den mi Hogar ta bay start y despues di Paradera y San Nicolas, awor e distrito di Oranjestad ta na beurt. E curso ta start riba 8 di mei 2023 y tin un duracion di 4 siman. Na final di e curso cada cursista lo ricibi un certificado di participacion.

E curso ta consisti di 4 sesion cu lo enfoca riba con nos por maneha nos finanzas cada dia. E 4 sesion ta:
Sesion 1: Mi ta efectivo den mi cas. Con mi por spaar y tambe con pa cumpra sin emocion;
Sesion 2: Mi ta paga mi debe. Kico lo pasa ora mi no por paga mi debe mas;



Sesion 3: Mi ta inverti den mi futuro. Futuro di nos y nos yunan ta importante y con nos por logra nos metanan;
Sesion 4: Mi presupuesto. Kico ta luho y prioridad y con segun bo entrada bo por presupuesta y asina logra nos metanan.
Ta necesario pa remarca, e importancia di e curso aki. Na Aruba 3 di 10 hogar ta gasta mas di nan entrada tur

luna segun sondeo di Banco Central di Aruba. E desaroyo aki ta uno preocupante pasobra e ta indica cu cada luna ta un reto pa hogarnan cumpli cu tur necesidad y responsabilidadnan financiero manera entre gasto pa vivienda, cuminda, y prestamonan personal. Como consumidor ta importante pa sa ki impacto cada decision financiero tin riba nos cartera y nos hogar. Cu e curso aki, nos ciudadanonan ta ricibi guia y conocimiento cu por yuda tuma decisionnan financiero cu ta beneficia su bienestar, den tur distrito di Aruba y awor den distrito di Oranjestad.
E Proyecto Finanzas den mi Hogar a wordo desaroya door di Fundacion Plan di Bida. Fundacion Plan di

Bida cu su presidente Sra. Paloma Osorio- Tromp tin como mision y vision trece conscientisacion den nos comunidad, ofreciendo ayudo y guia mustando e manera pa maneha nos finanzas mas efectivo. Hunto cu Fundacion Plan di Bida lo ofrece un curso como apoyo na nos hendenan.
Minister Geoffrey Wever ta

invita cada pa registra y participa pa asina haya e apoyo necesario pa un maneho di bo finanzas. Registracion ta completamente gratis, pero cupo ta limita.
Pa mas informacion y registracion por tuma contacto cu Fundacion Plan di Bida via telefon 568-8848 of e-mail finansasdenmihogar@gmail.com.

Celebracion Dia di Rey 2023

Comision celebracion dianan nacional hunto cu biblioteca nacional ta organisa un tayer di fli y exposicion

Hisamento di fli ta parti di nos cultura y tur aña den luna di april tin actividad y competencia di hisamento di fli den barionan. Riba e peticion di Minister di Cultura, Comision Celebracion Dianan Nacional a acerca Biblioteca Nacional pa por organisa un tayer con pa traha fli pa nos muchanan y hobennan. Tur e fli cu wordo traha lo wordo poni den sala di exposicion na Biblioteca Nacional situa na George Madurostraat.


E tayer lo tuma luga diaranson 19 di april na Biblioteca Nacional situa na George Madurostraat for di 3or di atardi pa 5or di atardi. Luga pa participantenan ta limita. Mester yama 528-1500 pa inscribi, muchanan di 5 aña bay ariba por inscribi pa participa.















E tayer interesante aki lo ser presenta pa Sr. Julio Werleman y tur material inclui ta gratis pa e muchanan cu ta







desea di participa. Na final di e tayer riba e dianan 21, 24 y 25 april 2023 tur fli lo wordo exponi den sala Diamante pa pueblo por pasa mira e obranan di e muchanan durante orario di Biblioteca Nacional. Despues di e exposicion muchanan ta haya e fli pa por hiba cas.

Comision Celebracion Dianan Nacional y Ministerio di Cultura ta kere ta importante pa educa e muchanan riba e cultura di fli y haciendo esaki den cooperacion cu Biblioteca Nacional lo percura pa educa e muchanan con ta traha nan propio fli.

Ademas Comision Celebracion Dianan Nacional ta haci uso di e oportunidad pa tur organisacion cu tin un evento relaciona cu dia di Rey 2023 pa manda nos un e-mail cu e informacion pa e por wordo publica den e calendario di evento, por manda e informacion riba nos e-mail adres ccdn@cultura.aw.

Resultado Sorteo april 13, 2023				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
5743		1856	5025	5875
7308		5216	SUPER5	1527
4045		6653	38690	9250

MERDIA		ANOCHI	
 Sorteo # 3882 5976 2606 0609  FP  Sorteo # 3882 4000  Sorteo # 1938 7166  Sorteo # 3882 6210 Piscis  Sorteo # 756 392  FP		 Sorteo # 7915 2341 4922 4245  X3  Sorteo # 6959 8447  Sorteo # 1664 7780  Sorteo # 5718 6716 Scorpio  Sorteo # 648 411  X2	

 Sorteo # 0 x Jackpot 0 x Match 4+ 0 x match 4 0 x Afl. 12,00	Joker Letter Proximo Jackpot 1.000.000,-
 Sorteo # 6088 0 x Jackpot 2 x Match 4 160 x Afl 8,00	17-22-24-25-26 Proximo Jackpot 79.000,-
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball: Proximo Jackpot 290.000,-
 Afl. 390.000,-	
 Sorteo # 	

King Classic Sudoku									
1	3					7			
					9		4		
		6		4					
2		5	4						
	6								
9			2			1			
						3		9	
			8		6			5	
		2	7		5			4	

Difficulty: ★★★★★

© 2023 King Features Syndicate, Inc.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

TA BENDE

Un edificio commercial / y por wordu usa pa cas cu grandura di 62 m2, riba terreno eigendom na Moko.
 Prijs Afl. 235.000,=
 Pa mas informashon por jama
Tel: 582-8080

216507

TA BENDE

Hooi a yega (yerba pa bestia)
 Matividiri 60
 594 1317
 Afl.55 pa 74 LB
 Tel. 594 1317

SERVICIO PUBLICO

Construction
 remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

TA BENDE

BBQ Grill tipo cilinder
 "criyoyo" duradero
 Prijs Afl.250
Tel. 569 7787

SERVICIO PUBLICO

Sushi den cura pa solamente 50,- pa buelta, nos ta lante lague limpi mane un soño.
 Arubiano trahado
Call 592 5766

Sushi den cura?

Ta piki sushi cu pick-up grandi pa Afl 75,= pa buelta.
 Yama nos na
561 4297 of 561 5179
 Hasi Aruba Limpi.

SERVICIO PUBLICO

Limpiesa pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
Tel. 593 9464

TA BENDE

Caha di Orgel.
 Tin 3 cylinder NOBO.
 Pa mas informacion yama
Tel. 593 0203

SERVICIO PUBLICO

Pa tur trabou di tapiceria di mueble, auto, yate y barco.
 Nos ta haci trabou di cabana y bambu y nos ta verf
Tel : 569 7539 /737 3993

AUTO Y HERO BIEU

Nos ta piki auto, aircu y bateria bieu pornada. Frigidaire, stoof, wasmachin, tv ta 10,=.
Yama 561 4597 / 561 5179
 Arubiano Balente

TA BENDE

Combo di regalo pa tur ocasion: Mugs, kerki di biña, tablashi cu leyenda
 Pa mas informacion
Cell whatsaap 567 2907

TA HUUR

Se alquila habitacion con todo incluido
 Brikstraat na Playa
Tel.564 1979

SERVICIO PUBLICO

Sra. ta haci cas y negoshi limpi tambe por cuida baby y hende grandi part time y full time
Tel. 740 7573

TIN MESTER

Auto Finishing Tec NV
 tin mester
 pintor, latonero y preparator
 Pa mas informacion por yama
 594 2957

216515

SERVICIO

Unified One Events
 Photos , films, wedding
Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha vloer, pleister, verf cas, traha cura, pega mosaico y azulejo-
Tel.563 4168

SERVICIO PUBLICO

Nos ta haci trabou di plomeria, electricidad, hardineria incluye hiba sushi Handy man.
Tel.742 6250

SERVICIO PUBLICO

Mi ta chapi, lanta sushi, corta mata, transporta frigidaire, was-machine biew, drecha cas, etc.
Tel. 564 1979

SERVICIO PUBLICO

Pa haci trabow di verf y chapi, tur mantencion di pafor di cas
 Yama y puntra pa Benito na
Tel.630 5185

TA BUSCA

trabou pa haci cas limpi, negoshi of oficina
Tel.561 3910

SERVICIO PUBLICO

Handyman
 Pa trabouw di verfmiento plumbing tuberia, chapi, limpieza di cura, drecha mata
Tel : 567 1108

TA BENDE

1 set di aparato pa pone taira patras auto chowe auto grandi
 2 biem pa pone patras di pick up pa lastra trailer.
 Bon prijs
Tel. 594 8842

TA HUUR

Un edificio / local commercial cu grandura di 62 m2, tin baño y cura; situa na Moko cu parking lot. Prijs pa luna Afl. 1.500,=
 Pa mas informashon por jama
Tel: 582-8080

216507

SERVICIO PUBLICO

Pa trabou di data-entry of update di bo administracion pls contact:
Tel.5682339

SERVICIO PUBLICO

Mi ta ofrece servicio di electricista en general corto circuito y mantencion
Tel.566 5026

TA HUUR

Un camber cu tur cos inclui na Brikstraat 1
Tel.564 1979

SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales
 Sabana Basora # 157 P.Ch.
Tel. 561 8520

SERVICIO PUBLICO

Mi ta ofrece pa cuido di mucha di dialuna pa diabierna y weekend. Pa informacion
Tel. 558 7310

SERVICIO PUBLICO

Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs
Tel. 738 1908

SERVICIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na
563 4828 / 5679610

SERVICIO PUBLICO

Hacemos todo tipo de construccion, reparacion de casas, pintura, acabados finos, jardines, patios, techos a buenos precios
Tel. 569 7539 / 746 0518



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

Fundacion Contra Violencia Relacional
 Tel: 583-5400

Fundacion Autismo Aruba
 Irenestraat 21 Aruba
 297-588-1179

Fundacion Pa Nos Muchanan
 Cumana 2 Aruba
 297-583-4247

Fundacion Tel Pa Hubentud
 Wilhelminastraat 19 Aruba
 297-588-6138
Koningin Wilhelmina Fonds
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999
Rode Kruis Aruba
 Pedro Gallegostraat 14
 Tel.297-582-2219
 Fax 588-3376

Famia Planea (SBVO)
 Avenida Milio J Croes 17 B Aruba
 297-588-9591
 www.famiaplanea.org
 famiaplanea@hotmail.com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group
 Sabana Liber #8, Noord (close to the hotels)
 Tel: 736-2952 or 593-7081



Dokter na warda

Oranjestad Hospital
 7:00 pm / 10:00 pm
San Nicolas Imsan
 24 ora

Botica na warda

Oranjestad: Sta. Anna
 Tel. 586 8181
San Nicolas: Seroe Preto
 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107

Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444

Servicio di Taxi

Aruba Transfer Tour & Taxi C.A.
 Tel: 582 2116 /582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”. Salmo 23

Cu inmenso dolor na nos curason pero nos ta
anuncia fayecimento di:



Marie O. Martin
*15-07-1937 - †01-04-2023

Na number di su:

Mama: † Melani Guilliere

Tata: † Ozalva Martin

Yiunan:

Marie Vernois y Stephen Bolah

†Ginette Rejouis

Marie Jourdan

Djonny y Marie Daniel Val

Renel Antoine

†Evna Antoine

Ilna Moise

Nieto(a)nan: Junior Rejouis (Tiben), Dorothy Rodgers, Osilieta Rodgers, Gabriel Rodgers, Vanessa Rodgers, Cynthia Rejouis, Ruth Val, James Val, Daniela Val, Weslyn Jourdan (USA), Abigail Jourdan (USA), Christa Antoine, Asmaila Antoine, Wechi Antoine, Stanley Val, Gabriel Desir (Chile), Bernadette Desir (Haiti)

Bisanieta(a)nan: F. Talisha Paesch, Julissa Boekhoudt, Z-on Orejuella, Dariel Dugarte, Marusha Bichotte, Jowdrick Trenidad, Javon Carty, Eliyanah Carty, Anderson Rejouis, Kehlan Rejouis, Kiyomi Val, Phanordson Emmanuel

Sobrino(a)nan:

Roland Brice

Caryn Brice

Pierre Richard Brice

Ernzo Val, Diene Valdema y familia

Phinette Clerveaux

Paullet Paillant

Amiga di cas: Maria Brenda Jimenez

Margareth Guichette

Demas familia: Martin, Vernoise, Val, Rodgers, Jourdan, Dugarte, Tromp, Trenidad, Moise, Bichotte, Jimenez, Abdon, Conquette, Lacle, Kelly, Bolah, Brice, Paillant, Jimenez, Robles, Milrose, Carty

Amigonan y famianan di Iglesia el Buen Samaritano

Ta invita pa asisti na e anochi di condolencia cual lo tuma lugar Diahuebs 13 di april 2023 y diabierna 14 di april 2023, di 7or pm pa 9or pm na Aurora Funeral Home.

Acto di despedida lo tuma lugar Diasabra 15 di april 2023, di 2or pm pa 4or pm na Aurora Funeral Home. Cremacion ta den seno familiar.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita
Laga esakinan termina den tur buniteza
-Cado Wever-

Cu profundo tristesa den nos curazon pero agredido pa tur locual e la nifica pa nos, nos ta anuncia fayecimento di Nos Mama, Wela, Ruman y Tanta Stima:



Miriam Yolanda Everon-Lopez

*13 Augustus 1951 - †9 April 2023
(Viuda di †Mario H. Everon)

Mama: †Lidia y †Alfredo Lambertus-Matos

Tata: †Medardo Lopez

Yiunan Stima:

Mayka Everon y Henry Koolman

Rachelle Everon

Elton Everon y Maritza Bareño

Tesoro nan Stima:

Hilyen Koolman, Rocco Everon, Henryson Koolman, Xiannah Everon

Rumannan Stima:

Judith Lopez

Dita Matos

Tanta y Omo nan:

Andrea Dirksz Lopez y familia

Marco Lopez y familia

Olga Matos Jimenez y familia

Subrinonan Stima:

Neomar Schenker y familia, Eric Vrolijk y familia, Mirella Vrolijk y Dolfie Paesch y familia

Cuñanan:

Lucia Everon y familia

Dora Everon y familia

Cecilia Everon-Koolman y familia

Maria Everon-Semileer y familia

Vitalina Everon-Rodriguez y familia

Unico Iha:

Mirella Vrolijk

Mama di su nietonan:

Shandeeh Arends y familia

Bon Amigonan di Cas:

Irma Kock y familia, Edwin Arendsz y familia, Lourdes Daña y familia

Yiu Peludo Stima:

Negro

Primo(a), Bisiña, Amistad, Conocirnan y demas familia Everon, Lopez, Matos, Lambertus, Koolman, Bareño, Dirksz, Schenker, Vrolijk, Paesch, Semileer, Rodriguez, Leidel, Koppenhagen, Alvarez, Hock, Arends, Tromp, Kock, Muyden, Jones, Genser, Ras, Wester, Giel, Ridderstaat, Wolff, Orman, Francisca, Winklaar, Jimenez, Maduro, Hernandis, Todd

Ta invita pa acto di condolencia y despedida cual lo tuma lugar na misa Inmaculada Concepcion, diasabra 15 April 2023 di 9or pa 11or mainta y despues lo sali pa Santana Catolico na Santa Cruz.

Nos ta pidi nos disculpa si den nos tristesa nos por a lubida di menciona un of otro nomber/familia.

Envez di manda flor y krans lo aprecia un donacion pa Wit Gele Kruis lo tin un box disponibel.

Nos ta lamenta cu despues di entiero nos lo no por ricibi bishita na cas.

Aurora

Royal Pray

Funeral Home & Crematory

“Señor ta mi wardador, mi no tin falta di nada.
Den cunucu di yerba berde e ta ponemi sosega”.
Salmo 23:1-2

Cu inmenso dolor na nos curason, pero conforme cu Dios su boluntad nos ta anuncia fayecimento di nos kerido Esposo, Tata, Welo, Bisawelo y suegro:



Sr. Rafael del Rosario

Cariñosamente yama “Rafa”
*04-06-1942 - †10-04-2023

Na number di su:

Esposa: Lupita del Rosario

Yiunan: Elvis “Tonchi” del Rosario

Jacqueline “Jacky” del Rosario y Maria de Cuba

Nelson Trimon

†Marco Trimon

Nieto(a)nan: Bertha van Peterson, Maria van Peterson, Elvis del Rosario y Lauren Tromp, Bernardo del Rosario, Nelson Trimon, Ricardi Trimon, Jeslyane Trimon, Jelysane Almanzar Bulos-Trimon, Jenylane Erber-Trimon, Jexlyane Trimon

Bisanieta(a)nan: Emilie van Peterson, Aliyah van Peterson, Eliza del Rosario, Luca del Rosario, Liam de l’Isle, Clint de l’Isle, Owen Lei, Amy Lei, Sofia Almanzar Bulos, Bella Erber, Zane Trimon

Rumannan: †Genaro del Rosario

†Ernesto del Rosario

†Nelson del Rosario

†Josefina Croes-del Rosario

†Lidia Martinez

Sua y cuñanan: Filomena Sophia y yiunan

†Humphrey Sophia

Franklin Sophia, esposa y yiunan

†Ildo Sophia y yiunan

Jose Isidro “Doodle” Sophia, esposa y yiunan

Sobrino y sobrinanan: del Rosario, Croes y Martinez

Primonan: Machado na Santo Domingo, Merca y Aruba

Tur su amigonan musico

Amigo di cas: Emiliano Tromp

Su dokter di cas: John Croes

Su bisiñanan: Glenda Ruiz y yiunan, America Croes y yiunan, Eddy Schoop

Demas famianan: del Rosario, Sophia, van Arneman, de Cuba, Luydens, Croes, Abath, Machado, Martinez, Hasham, Trimon, Tromp y demas familia na Aruba, Santo Domingo, Merca y Hulanda.

Ta invita pa acto di despedida cual lo tuma lugar na Misa San Francisco na Playa diasabra 15 di April 2023 di 1’or pa 3’or di atardi. Cremacion lo tuma lugar despues den seno familiar.

Ta duel nos cu despues di despedida no ta ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Justa Teresa Paublini


Cariñosamente yama: “Tica”
12-04-1931 - †12-04-2023

Acto di entiero lo wordo anuncia despues.

Guardia aresta relaciona cu leak di documento militar clasifica

(AP) — Un miembro di Guarda Nacional Aereo na Massachusetts a keda aresta ayera en conexion cu e revelacion di documentonan militar altamente clasifica tocante guerra na Ucrania y otro asuntunan top di seguridad nacional, un violacion alarmante cu a genera pregunta fresco tocante e habilidad di Merca pa salvaguardia su secretonan mas sensitivo.

E guardia, un especialista di IT identifica como Jack Teixeira, 21, a ser tuma den custodia sin incidente despues cu agentenan di FBI a presenta na su cas na Massachusetts. Ta bay acus'e bao di un provi-



sion di Ley di Spionaje cu ta hacie un crimen pa retira of transmiti informacion clasifica di defensa nacional, segun fiscal general Merrick Garland a bisa.

Garland no a revela un posible motivo, pero relatonan

di esnan den e grupo di chat priva online unda a revela e documentonan a muestra Teixeira como motiva pa bravado y no ideologia.

Mientras cu e aresto ayera tabata un momento crucial den un investigacion riba e leak

di inteligencia di perfil mas halto den años, ehercito y Departamento di Husticia ainda tabata scrutinisando con secretonan sensitivo di gobierno comparti den un chat room a termina circulando rond mundo. E revelacion di Teixeira como sospechoso principal ta bay genera pregunta riba con un violacion asina profundo, cual Pentagono a yama "un riesgo serio pa seguridad nacional," por a ser causa pa un miembro asina jong y cu rango asina abao den servicio.

Teixeira tabata un "especialista di sistema di transport cibernetico," esencialmente un especialista di IT responsable pa rednan di comunicacion

militar, incluyendo kabel y hub. Den e rol aki, Teixeira lo mester tabatin un nivel mas halto di clearance di seguridad pasobra e tambe lo mester tabata encarga cu responsabilidad pa sigura proteccion pa e rednan, un oficial di defensa a bisa AP, papiando bao condicion anonimo pa discuti asuntunan sensitivo.

Teixeira, bistiendo un T-shirt y short na momento cu agentenan tactico cu armamento pisa a tum'e den custodia, ta programa pa tin su prome aparicion den corte na Massachusetts awe. No tabata inmediatamente cla si e tabatin un abogado pa papia den su nomber.

Nort Korea ta lansa misil cu por tabata un tipo nobo di arma

(AP) — Ayera Nort Korea a conduci su prome lansamento intercontinental di misil balistico den un luna, posiblemente evaluando un misil mas mobil y dificil di detecta pa prome biaha, su bisinanan a bisa, mientras e pais ta extende su accion provocativo di test di arma.

Hapon brevemente a urgi residentenan di un isla nort pa tuma shelter den un indicacion di su cautela pa e menasanan evolucionando di misil for di Nort Korea. A lansa e misil riba un angulo halto for di cerca di e capi-

tal Nort Koreano di Pyongyang y el a cay den awa entre Peninsula Koreano y Hapon despues di un vuelo di mil kilometer, segun Joint Chiefs of Staff di Sur Korea a bisa den un declaracion. A describi su rango como medio of mas largo.

Conseho di Seguridad Nacional Mericano a yam'e un misil di rango largo y gobierno di Hapon a bisa cu probablemente tabatin un rango intercontinental.

Ehercito Sur Koreano ta kere cu Nort Korea a lansa un tipo nobo di misil balistico, posi-



blemente usando fuel solido, segun un oficial di defensa a bisa den condicion anonimo. Si e lansamento ta involucra

un misil balistico intercontinental (ICBM) cu fuel solido, e lo ta e prome test di un arma asina di e Nort. E

ICBM conoci di Nort Korea tur ta usa propellant likido cu mester yena prome cu e lansamento. Pero e fuel den un arma cu propellant solido ya ta carga, permitiendo pa move esaki mas facil y lans'e mas lihe.

Un ICBM cu fuel solido ta un di e armanan clave di alta tecnologia cu lider Nort Koreano, Kim Jong Un a priminti di construi pa por maneha miho loke e ta yama e menasa militar Mericano. E tambe kier un misil multi-warhead, un submarino nuclear, y misil hypersonico y un satellite spion.

Tension halto na manifestacion contra plan di pensioen di Macron na Francia

(AP) — Manifestantenan oponiendo e plan impopular di presidente Frances, Emmanuel Macron pa aumenta edad di retiro na 64 a marcha un biaha mas ayera den ciudad y pueblo rond di e pais, den un muestra final di rabia prome cu un decision crucial riba si e medidata cumpli cu standard constitucional.

Manifestantenan a enfoca riba oficinanan di Banco Central na Paris y brevemente a invadi e sede di conglomerado di luho LVMH – pero nan atencion cada biaha mas a enfoca riba e Conseho Constitucional, cu mester dicidi awe si ta rechasa tur of algun parti di e legislacion. Activistanan a tira saco di desperdicio pafu di e fachada

di e Conseho durante mainta. Despues, otro multitud cargando flare a enfrente cu un contingente grandi di riot polis cu a yega pa protege e edificio. Polis di Paris a prohibi tur reunion pafu di e conseho for di ayera tardi te cu diasabra mainta, den un intento pa reduci presion riba miembronan di e conseho mientras nan ta tuma nan decision.

Polis a bisa cu alrededor di 380mil persona a participa den e manifestacionnan rond di Francia ayera. E cantidad tabata menos cu den simannan recien, pero toch e sindicatonan a logra mobilisa multitudnan grandi. E manifestacion tabata en general pacifico, maske a reporta decenas di herido entre polis y manifestantenan.



Weekly SPECIALS

<p>WAS \$31.99</p> <p>\$23.99</p> <p>Per KG</p>  <p>Marucha/Top Blade</p>	<p>WAS \$9.99</p> <p>\$6.49</p> <p>Each</p>  <p>Peppers Rainbow</p>	<p>WAS \$51.99</p> <p>\$42.99</p> <p>Per KG</p>  <p>Angus New York Strip</p>	<p>WAS \$3.89</p> <p>\$2.89</p> <p>Each</p>  <p>Lettuce Iceberg Wrapped</p>	
<p>WAS \$31.99</p> <p>\$25.99</p> <p>Per KG</p>  <p>Entrecoto</p>	<p>WAS \$3.89</p> <p>\$2.99</p> <p>Each</p>  <p>Celery Sleeved</p>	<p>WAS \$23.99</p> <p>\$20.99</p> <p>Each</p>  <p>Panamei Mahi Mahi Portions 16oz</p>	<p>WAS \$4.29</p> <p>\$3.79</p> <p>Per Bag</p>  <p>Onions Yellow Medium 3lbs</p>	<p>WAS \$4.29</p> <p>\$3.29</p> <p>100 GR</p>  <p>Hickory Smoked Turkey</p>
<p>WAS \$4.03</p> <p>\$2.49</p> <p>Each</p>  <p>Spar Nr.1 Voorgekookte Rijst 1000 gr</p>	<p>WAS \$3.73</p> <p>\$2.99</p> <p>Each</p>  <p>Landhof Halfvolle Melk 1L</p>	<p>WAS \$5.69</p> <p>\$4.54</p> <p>Each</p>  <p>Gwoon Hagelslag Melk 400gr Pak</p>	<p>WAS \$7.99</p> <p>\$7.27</p> <p>Each</p>  <p>Peak Olieballenmix Glutenvrij 300gr</p>	<p>WAS \$4.99</p> <p>\$4.39</p> <p>Each</p>  <p>Sunny D Smooth 64oz</p>
<p>DAIRY/FROZEN</p> <p>WAS \$17.99</p> <p>\$14.79</p> <p>Each</p>  <p>Florida Natural OJ No Pulp 89oz</p> <p>WAS \$13.99</p> <p>\$12.69</p> <p>Each</p>  <p>EE Waffle Homestyle/Buttermilk 24ct</p>	<p>HBC/GM</p> <p>WAS \$13.99</p> <p>\$9.99</p> <p>Each</p>  <p>Palmer Cocoa Butter Lotion 8.5oz</p> <p>WAS \$7.89</p> <p>\$6.99</p> <p>Each</p>  <p>Plenty Easy Pull Rol 1st</p>	<p>DELI/BAKERY</p> <p>WAS \$3.45</p> <p>\$2.95</p> <p>100 GR</p>  <p>Swiss Cheese</p> <p>WAS \$3.69</p> <p>\$3.19</p> <p>100 GR</p>  <p>Oven Roasted White Turkey Breast</p>		

SUPER
Do it Center.

VALID FROM
14 APRIL - 20 APRIL 2023
and while supplies last

SUPER Do it Center Aruba | Shaba 3, Noord Aruba | 5831111 | customerservice@doit.aw